

逸

園

詩

草



詩  
草


陳  
培  
銀  
題



研賓先生遺像



韓希琦謹題



國家圖書館



002822603

逸

園

詩

林

韓希琦署


303940

逸園詩草重刊序

余與師潛交晚而篤，暇輒過從，杯酌相對，縱談時務，乃及家常瑣瑣，一日師潛袖其先德竹賓先生詩草示余曰，此吾父遺著，零落殆盡，擬重鐫，丐爲序，余繙閱數四，中分四類，劫灰剩稿，哀鴻篇，啣泥集，呻吟集，多感時憤事，發抒胸臆，讀之如見其人，夫詩性情事也，三百篇皆聖人不得已而作，哀何以哭，喜何以歌，憤何以歎，情之不得已，情之真也，其情真，則其人在，若磨礱格調，矜張派別，詩存而中空無人矣，余弱冠耳先生名，四方饑驅，未獲一面，而先生已謝賓客矣，今雖未親炙其人，而獲讀其詩，又喜其鯉庭作述之美，師潛此舉，較過邁之於東坡，顧何如耶，先生詩於楊陸爲近，竊以誠齋放翁，值南渡之後，藉詩以陶寫性情，年均大耋，先生少知名，迭遭喪亂，雖年僅中壽，而繼起有人，亦足慰矣，嗟夫頃歲東夷構釁，故家秘篋之所傳，其散失亦多矣，而師潛獨能抱殘守缺，卒保孤本於兵燹遷徙之餘，師潛誠賢矣，抑亦先生有以自永也。

丙戌孟春後學陳培錕序


時年七十有一



逸園詩草重刊序

詔安代多文物，兼以詩畫名，余出宰長泰時，得見謝琯樵之花鳥，沈古松之人物，工力各臻其極，惜未讀林竹賓先生之詩，戊子秋學淵處長以先生逸園詩草見示，云將重鐫，以校勘之事相屬，詩分四篇，曰劫灰剩稿，十年心血，半付秦灰。所存者僅吉光片羽。曰哀鴻篇，支離西北，飄泊東南，風雨孤舟，欲息機而未得。曰啣泥集，田園初復，骨肉未圓，不勝五處鄉心之感。曰呻吟集，積憂多病，臥榻沈吟，尤汲汲於千秋事業。讀其詩，見其志，而知先生不獨一詩人，抱用世之才，遭時不遇，發爲詩歌，抒其悲天憫人之願，與武進黃仲則，大興舒鐵雲，傷心人同一懷抱，然黃舒之所憂愁者及於一身，而先生之所憂愁者及於當世，則其處境有不同爾，先生目擊中原板蕩，赤子流離，極思攬轡澄清，然手無斧柯，奈龜山何，鬱於中而宣於外，原非得已，不得已而有言，其言乃摯，其傳必遠，非徒吟風弄月，多識鳥獸草木之名已也。雖近體多古體少，然有客叩門及清明上塚二篇，定行藏，了死生，栗里清高，漆園曠達，其庶幾乎？明德之後，必有達人，其人與詩卓立於天壤間而不朽矣。

中華民國三十七年秋七月後學蒲陽陳元璋序於榕北之紫藤廳






逸園詩草序 以下係初刊時序

余友林君竹賓，風雅士也，性骨體不諧俗，而作止語默之間，敦厚溫柔，粹然無所累，蓋其所得於詩人之教者深矣，少時習舉子業，不規規應試之作，而雅嗜吟詠，鄉先達張芸庵先生見所爲近體詩，亟賞之，時芸庵執騷壇牛耳，與乃弟堯咨君，及友林筠生君以詩鳴，得君後相切磋琢磨，過從幾無虛日，儕輩中有以王楊盧駱相擬，後者數年，余亦因二張之介，與君及筠生君稔，蓋芸庵齒較長，在師友間，筠生次之，堯咨與君同年生，而余少於君凡五歲爲最稚，顧余不嗜詩，偶一爲之，輒復棄去，故所得絕少，益以貧困迫人，家食不自安，則汲汲爲服務社會計，文酒之會，尤不暇及，芸庵歸道山後，君與堯咨鄉望日重，爲地方人士所推重，乃稍稍出與地方事，而余則囊書囊筆奔走四方，曾一就潮屬文範學校之聘，凡六年，再渡南洋檳炎風沐沸雨，僑寓爪哇三寶瓏，從事僑界公共機關之役，蟬聯株守，忽忽近十載，至民國七年戊午夏，以慈命召歸里，則筠生已謝世，時爲護法軍興，詔地當閩粵衝，兵戈擾攘，余與君及堯咨君等，僅再度晤見談別後事，十不一二，而君等復以池魚林木之禍殃，度不

可免，因避地去，余家居三閱月，侘傺殊無聊賴，適甯垣暨南學校電趣，余遂假裝往，過鷺門時，曾一晤君逆旅中，至甯後復南行，以歲暮之頃，發滬上歷安南新嘉坡馬來半島，西泝緬甸，折而南經蘇門答臘瓜哇諸島，報告校務，與各當地僑界學校有所接洽，事竣復以荷約事，受荷屬華僑聯合會理事部重大委託，還趨北京，又逾年庚申始回里，則君之劫灰賸稿，哀鴻篇，啣泥集等若干卷，已編次就緒，以告余囑爲序，諾之未有以報也。嗣余復溷跡滬市，春出冬歸，歸時輒侍老母病，不恆出，或晤君僅瑣瑣起居事，如是者又五年，乙丑夏君病竟不起，時余適遭先妣吳太君喪，苦塊昏迷中，未獲有以臨之也，悲夫。君病中尙有呻吟集之作，別爲一卷，與劫灰賸稿，哀鴻篇，啣泥集等卷，併爲一帙，仍以逸園詩草原名冠于篇，今年六月，君次子師潛，以効力黨國事，閒關來滬，出是集挽余爲付印，長子師穎客新加坡，三四子師珍師成等，就鄉之中小學校，亦各以書來，拳拳致意，余受是篇讀之，覺戊午以後諸作，纏綿悱惻，甚者且作變徵聲，與少壯時作異趣焉，蓋遇爲之也。而君之聲音顏色，則一如或見之無少舛，回念三十年來時事變遷，已如波譎雲詭，萬非吾輩始相過從之日所

能幻想及此，卽以各個人之身世所經歷者言，亦不免有俯仰間卽成陳迹之感，蓋人事遞推遞衍之公例然耳。君幸有子，詩魂宜大慰，而余與堯咨君亦旣老矣，堯咨君且善病旋幸健復，余之不能家食自安，猶如故也，顧年力亦就衰，溷跡滬上，如蟲在蟄，意氣之盛，非復向者視車聲帆影中數萬里程如戶闥時比矣。序是篇，絮絮述前事，如數家珍者，謂君詩不以序傳，讀君詩者當自得之，而君之爲人，及余與君所爲聚散有時之種種狀況，則事之所在，固不能不有以誌之也，是爲序。


中華民國十六年夏歷丁卯六月无悶韓希琦識於滬寓



序

竹賓余石交也，少同受業于冶亭沈師之門，修謹自好，人世榮利澹如也，性耽吟詠，不以寒暑間，早歲所爲詩，已卓然可觀，後得與張君纘庭堯咨諸名宿遊，共相砥勵，所學益進，丙辰予應人友召，遊新嘉坡婆羅洲諸島，聲氣隔絕者垂七八年，而竹賓亦因戊午之變出境，輾轉驚嶼榕城間，凡有感觸，輒形諸篇章，故其所得尤多，予以今年春歸里，買舟訪之，夏間袖其所著逸園詩草示予，且命爲釐訂，讀之多憤時嫉俗之語，然繫懷桑梓，眷念家國，類皆就其所遇，以樸實懇摯之詞，寫其牢騷鬱悶之氣，纏綿悱惻，直合工部香山而爲一，他日斯集出世，有目者類能賞之，當非予之阿所好也，詩分四卷，曰劫灰剩稿。曰哀鴻篇上下。曰啣泥集。其命名之意，各自有弁言，噫，自勢利熏人，營營者日相奔競，不復知風雅爲何事，今得是編，至性流露，非唯足存吾竹賓，卽人心世道亦略見一斑，此予之所以不能已于言也，因爲序而歸之。

甲子秋重九日林蘭坡識



序

余於民國紀元前，旅食鷺門，因獲交於詔安諸名宿，如馬竹坪張芸庵前輩，時時挈舟來廈，與廈之人士遊，余亦與焉，每聞談其邑之雋者，林君竹賓雅嗜吟詠，不規摹倣古人而自與古人合，余聞而贊之，以爲近世詩人動必師古，繩以格律，拘以派別，又必區分以時代，苟善是，是亦足矣，而究其真情實義，去詩教之本來遠甚。若竹賓者，可與言詩已，顧相隔一衣帶水，且昧生平，安得挹其言論丰采，又安得索其詩而讀之，以奉爲圭臬？耶由是睠念伊人，溯洄無已，民國後余就玉屏中校講席，得林生師潛者，來自詔安，恆於課餘過齋頭問難，間或出其所自爲詩示余，余觀其詩，頗有奇氣，因就訊門族始知其家學淵源有由來矣。蓋師潛爲竹賓君哲嗣，故亦嫻於詩，乃索觀其尊人之詩，則未嘗攜來，請待歸取，比師潛歸而護法軍興，詔地懼兵燹，竹賓之稿，都付劫灰，余竟不獲卒讀，猶冀亂定搜羅，儻得一誦佳句，使白間生黑絲耳。遲之又久，師潛不果來，而玉屏亦於是年改組，同事皆去，余亦從此逝矣。一校師友，雲散風流，余乃橐筆走榕垣，歷數寒暑，師潛亦負笈他方，追念曩遊，情何能

已，而尤以未讀竹賓詩爲憾，然雪鴻遙寄，風鶴頻驚，安得重與師潛遇，俾翫其尊人大著，解余勞結，迨今年春余遊滬上，會鄉人之僑居於此者，設爲泉漳中學，挽余長是校，余辭不獲，力謀所以擴張之，自春徂秋，卒卒無一隙之暇，忽一日有客攜詩稿訪余，余以事出，客不暇待，置其稿而去，既歸就燈下省閱，則余十餘年來所渴想而不可得者，今何幸得之意外，蓋客爲師潛，而詩卽其尊人遺稿也。凡分若干卷，曰劫灰賸稿。曰哀鴻編。曰啣泥集。曰呻吟集。而綜署其名曰逸園詩草，亟爲之雠誦數匝，覺其哀艷似少陵，而激烈之氣，髣髴劍南，眞所謂不規規摹倣古人，而自與古人合者，余於是歎觀止矣。越數日師潛復來別余，且云此詩將付梓，特請序於余，余不敢以不文辭，爲述其所景慕以歸之。

中華民國十六年古重陽節溫陵李唐識於滬上



自序

戊午仲秋，丁南北之變，禍起倉猝，驟不能防，詩書世業，已如墜孟敏之甌，去不顧矣，已未初夏流寓三山，忽患脚疾，探悉里中秩序稍定，潛回養疴，粟里之三徑已荒，浣花之草堂非舊，舍中所餘破篋塵卷，蟲鼠灰埃，嚙剝狼籍，了無完物，病稍瘥，勉自檢拂，就其篇簡之尙堪取閱者，分成帙與不成帙，皮存兩架，回思少日至乙巳丙午以前所得詩篇，積有數卷，原署爲逸園詩草，今已杳不可復得，祇在殘紙堆中檢出零稿數十片，又于謝甥聿夫家，收得一小冊，閱之殊慚，少作大半在就刪之列，然念時事滄桑，生平心血，散無復存，未忍遽棄，姑悉數抄錄，合爲一卷，藉鎮盡篋，倘天心厭亂，并假我以年，林下餘閒，邀集同志共加刪改，或足爲敝帚之珍乎？因命之曰劫灰剩稿，作爲首卷，而以客冬十月二十八日以後逆旅途中所積之哀鴻篇次之，今年五月二十三日抵家以後之啣泥集又次之，略寓編年記事之意，仍以逸園詩草原名，冠于篇首，蛙鳴蟬噪，知不成聲，但憂患餘生，一切悲憤無聊之處，究不能不有以紀之，詞之工拙非所計也。兵革繁興，殷憂未乂，將來再如前作悉淪浩劫立化灰埃

，抑只供飽蠹覆醅徐徐澌滅，均未敢知，庾子山云，窮者欲達其言，勞者須歌其事，此則區區抄存之意耳。

已未九秋古登高節前三日恨禪自識

劫

灰

贖

稿

全




逸園詩草

劫灰剩稿

紹安林友石竹實著  
友人張會堯杏枝

山齋



未審誰家宅三間瓦尚完  
藤封將沒壁竹護自成欄  
伏虎門前石轟雪屋角灘  
倦行聊小憩幽爽  
到心肝

適興

適興無工拙篇成筆便拋  
苦陰防學道未要事推敲

西園秋日坐雨寄友人

短袂朝來冷不禁小齋連日坐  
秋霖一窗破紙風聲急半砌殘  
苔溜點深頓瘦腰身緣善病  
漸枯  
心血悔耽吟對床預待修前約  
漫厭泥多懶過尋

梅山西舍雨夜偶成

寂處無人到宵聞漏倍遲  
撥爐煨葉酒隱几看仙詩  
雨至砌蟲啞風來簷馬知  
此中多少趣於我

恰相宜

歲暮感懷

韶光荏苒似飛梭一度纔來一度過傲骨固知難入世病軀常恐易招魔殘書積榻封塵慣破突當階貯雪多可是人謀原有定迂疎如我合蹉跎

北風簸簸響茆窩生計蕭條奈若何蒿目寒門昆季少關心窮巷往來多買書每愧虛供蠹作字知誰許換鵝兒輩不知吾計左猶分鐙火事微哦

巳丑除夕

鹿鹿成何事歸來歲又除兩絲節破瓦爆竹迫寒廬幸有高堂樂休嫌壯志虛明朝多過客略整

案頭書

立春偶成

一歲一般苦何堪疊報春帖初裁乞米突又告停薪啗菜罕聞鼠懸衣多類鶉大言欺婦孺貧病

發吾真

山居雜興

巖木陰陰石磴斜白雲擁護兩三家路多樹柵因防虎溝有停流易產蛙社信每尋間壁記山礪  
時過別村賒鷄豚課罷無此事臥聽黃蜂鬧晚衙

幽居

幽居况味舊相宜一幅蘆簾鎮日垂客至例傾無事酒興來便得偶成詩庭前花好時移榻園角  
藤生自縛籬蕭寂自耽閒裏趣更何心戀世人知

重過雙屏寺

一十餘年別重過忽草萊無僧上鐘鼓有佛臥莓苔蠹蝕梁材墜農歸戶板開禪門此興替世事  
得無哀

坂溪道上

四面嵐光合寒灘一帶流農閒兼賣筍婦健習操舟賽廟盤登兔歸墟路塞牛惟憐村店少每動  
旅人愁

臘月坐雨

歲晚偏多雨幽居思悄然飢烏棲檻叫乳犬傍爐眠被絮生深溼盤餐缺小鮮耐寒成默坐未是

學參禪

歲暮紀事

偶來綠聖寄浮蹤忽忽何堪又杪冬太息知交星散盡寒門敗葉閉重重

刪除園菊摘殘葩貯向年時待合茶讀罷吟餘聊小啜好教熱淚減些些

收菊

一架殘藤古木支如刀豆莢已離離憐他不是迎春料割愛芟除佐晚炊

除豆

鬪得香梨趁雨栽幾杖瀟洒已含胎從今寒食東風裏院落應添玉一堆

種梨

強臥空齋百感櫻半床卷帙亂縱橫久經蠹蝕編多缺掠向窗前細補成

檢書

蕭然半畝亦吾廬壁上輕塵手自除榭架重重遮護密免教灰土壞琴書

掃舍

寄友

自笑迂如此窮年守故廬遺愁唯使酒引睡或攤書風雨詩成久園畦菜長初深期舊吟敵旦夕

一懸車

辛卯除夕

殘臘盡今夕寒鐙長夜懸蘭爭開報歲菊喜吐延年鄰舍呼盧鬧廚人祀灶虔團圓兒女話恰好

在親前

仲春日齋居偶成

春深門巷綠成叢  
白白紅紅逐漸空  
近榻苔痕頰積雨  
入簾花瓣偶因風  
聽鶯時立垂楊北  
送客新過曲水東  
差喜齋居無箇事  
日遲供我註魚蟲

春日集松江草堂小飲

百花舒錦草鋪茵  
對坐還欣我未貧  
况有笑談成快事  
容無詩酒慰芳辰  
牆頭雨過紅全側  
池面風來綠半皴  
更喜流鶯偏解意  
聲聲喚住欲歸人

閒居雜興

自笑年來世味疎  
掩關從此好閒居  
籬陰水曲時行坐  
看向風塵苦曳裾  
茆檐低亞竹簾斜  
煖炕猩氈自一家  
睡足終朝無箇事  
滿庭紅日坐看花  
堂階幽靜絕纖塵  
瘦石疎花點綴新  
更喜徵詩求葉外  
門前絕少往來人  
陰陰垂柳暗遮門  
過午渾疑日欲昏  
怪得兒童偏解事  
苔牆私劃綠楊村

清明日感賦



那堪浪擲又清明芳草萋萋百感生鎖院梨花春晝寂拂檐楊柳晚風輕何方笑語譁炊麥對飯  
人家喚賣錫子立可憐昆季少蕭條鎮日掩柴荆

齋居偶成

鍵戶一無事齋居終歲閒書叢傭白日晝卷展青山雜累將詩遣窮愁仗酒刪同懷二三子相守  
亦歡顏

立秋後雜詩

黃葉叢中結小廬西風連日閉門居曉窗待飯無此事補讀前宵未竟書  
一雨涼生午夜遲起來閒步舊階墀秋庭縱是無花看亦爲吟蛩立小時  
重門深鎖靜無譁毛竹鬚髻四面遮陣陣吹來香不斷牆頭知放木樨花  
一梳殘月四更天悄臥花陰醉未眠何處鄰娃戀長夜依稀猶聽話纏綿

偶題軒壁

身世酬來懶窮年臥此間掃階綠落葉剪樹爲看山屐響兒傳飯廊鳴客款關欣欣無物役消受  
是清閒

秋日書事

一秋風雨苦相乘屋竅如星不耐蒸屨到天明無睡着徙書移榻夜頻仍  
如塵類墨屋頭摩誰道秋雲薄似羅每擬衝泥沽一斗前村又報雨滂沱  
汎濫洪流西復東十家燬火九家空雨餘偶出樓頭立又見庭花沒幾叢  
軒櫺蕩折已無餘巨蟒公然狎臥窟歎息秋旻成漏界如今何只釜生魚

野墅秋日偶成

僻巷來人少松扉故故關風篁通日響霜葉一庭殿籬老枯棚露苔荒土砌斑市聲喧不到忘却  
住城闕

重九日偶成

閉門無事更登高默坐齋頭興亦豪客散不防長對菊詩成何必定題餼瓦盆芋熟譁嬌女泥甕  
醪香恣老嬾却幸官租輸納盡免教催迫到蓬蒿

題張芸庵小照

一編殘蠹一吟身叢竹陰中坐脫巾夙羨執經多俊彥今知問字有佳人閒燒柏子聊支寂妙與

楊枝共寫眞舊擁百城傾得否防他尤物本工嘯

遣興

甲午

歸來何必歎窮居經案繩床樂有餘世事總如翁失馬吾徒奚止我無魚養閒且續遊仙夢託興  
重成罵鬼書漫笑迂疎爲世棄儒生原媿曳長裾

秋堂

燭暗香殘夢不成秋堂寂寂欲三更月明滿地無人到臥聽牀頭促織鳴

秋日閒居漫興

滿榻清陰滿徑蘿閉關亦算一喙窩山蜂衙退知潮上梁燕巢空覺社過藥圃晴看收柏子荳棚  
曉課摘瞞婆日來更得安心法檢點閒身付睡魔

病中口占

防風移住屋東偏藥裹香濃鎮日煎人訝工詩窮有例我憐入世病爲緣經筵半集妻孥隊臥榻  
空堆內外篇思渴何時穩行步蹣跚一到百花前

春日幽居卽事

地僻門慵掩，莓苔冉冉生。燕來知社近，犬吠有人行。楹雀爭棲墜，隣鷄入戶鳴。怡情深巷柳，三兩已藏鶯。

生日感懷

墜地匆匆廿七年，蠹魚辛苦莫成仙。笑人大似拖腸鼠，入世真成縮項鯢。捧着肚皮空自歎，嘔殘心血有誰傳。破窗塵卷孤檠影，酒醒回看一惘然。

秋思

露寒風定漏聲遲，一種情懷只自知。無可思量無可說，水晶屏角立多時。

秋日看佃人納租笑題

新葺城南屋一區，小詩閒貼遍堂隅。日來笑煞輸租叟，道我多安鎮宅符。

秋庭夜坐

銀燭銷殘玉漏沈，花階閒坐思惛惛。一庭風露無人共，惟有寒蛩作伴吟。宵鼓遙聞第幾更，碧紗窗下月微明。詩成不敢高聲唱，恐攪鄰家好夢醒。

漁

生涯長寄水雲鄉，萬頃煙波一葉涼。  
身外是非渾不管，嬴餘唯辦雨時糧。  
碧蘆沙渚白蘋洲，閒與鷗鷺共拍浮。  
日暮得魚還買醉，趁墟人散尙勾留。  
一席蒲收正夕暉，幾村煙火隔江微。  
荻花滿岸無人到，獨荷叉頭縮項歸。  
船頭舵尾月明多，釣罷歸來倚櫂歌。  
清福如渠真羨煞，年來我亦想烟蓑。

漳江夏夜有懷同寓諸友

三間旅舍一吟身，入夜唯教筍簟親。  
蟲語蛙聲依舊好，對床偏欠共聽人。

錄遂

亭珂

攜手芝山最上峯，一枝長笛一條筇。  
四年前事分明記，歸路頻聞夜午鐘。

鏡莊

溪居

溪聲一枕自朝昏，蘆荻叢中晝掩門。  
羨煞水禽來日日，思量欲署白鷗邨。

訪友

連日西風落葉繁，扶筇閒訪白雲邨。  
秋籬忽漏何香出，爲立斜陽不叩門。

老

歧黃無術住年顏少壯驅除一夢間舊僕呼來都白髮故交訪處半青山僅餘鷄肋兒孫戀久廢  
蠅頭筆硯閒擬采靈芝尋大隱條筇隨手萬緣刪

病中書歎

過情哀樂我何曾未老衰偏日日增酒約詩盟連月廢藥鑿聲白逐時微面顏黃是辭林葉頭髮  
焚成絡樹藤悟得養生非實論支牀聊看白牛乘

門掩西風斷過從病階落葉亂啼蛩骨體久臥常憎榻力弱臨行愛仗筇似此已成將朽木逢人  
那說後凋松任教蓮社頻催促代柬惟書一味慵

秋燕

西風庭院苦飛飛日莫雕梁影漸稀爲報塞鴻休問訊不多時亦欲謀歸  
天涯何處舊營家萬里秋風道路賒我亦依人長遠道歸心爲汝日頻加

感事

風塵連歲苦奔趨回首依然一腐儒才拙屢遭餘子笑病多真似列仙墮稱心事業囊中草入手  
家財屋角榆未敢逢人輕報道年來錐與地俱無

種梅

閒攜鴉嘴踏斜陽移得羅浮幾種香  
高愛月痕低愛水齋頭半日費思量

落葉

置身原傍最高空亦逐蟬聲送晚風  
雨力莫回前度碧霜華能綴幾時紅  
無家客子蹤何泛去國孤臣道正窮  
飄泊可憐難再返誰將此恨訴秋穹

靜觀亦似結前因纔領西風墜已頻  
掃逕有時供煮茗打門幾度誤來人  
滿階蟲語如相弔一樹烏巢最愴神  
我亦先秋感搖落能禁霜鬢又添新

家居秋夜

夜分猶把一編開樓鼓戛戛屋角催  
病眼多時難比月空腸幾度欲鳴雷  
鐙昏蟻鼠沿牀下露冷寒蛩入戶來  
喚起閨人理寒具昨宵猶記牘香醅

秋日書事

一年容易又深秋回首風塵歎馬牛  
宅是新移無菊看眼緣多損有花浮  
閉門屢欲謝閒客警枕依然來俗流  
明歲擬尋清淨地殘編風雨再埋頭



重九日同友人西郊閒眺

生逢令節可無情況是西郊正好晴一片草花飛夕照滿林木葉走秋聲登高未信堪逃厄弔古時同起不安得會心人送酒一樽今日共閒傾

貧家

貧家門巷少人經幾卷殘書伴古廳油盡屢將宵課廢糧虛常覺曉炊停平戎策短難投筆排悶詩成漫寫屏贏得終年無俗擾養教心地日惺惺

邨庄

掩萼黃茅蓋戶低數間斜傍板橋西庭圍鷄柵難生草路折牛闌半積泥破甃常着田鼠走寒廚時有野狐棲蕭然絕少塵勞擾世業相安一柄犁

納涼

閒來解帶石橋邊水閣沈沈晝似年自翦芭蕉鋪作席不除苔蘚待成錢僕慵分占松根臥鶴靜時依樹腹眠好是門無拘束客不妨赤脚且隨緣

題郭仲昇畫局圖



憫然半畝綠雲涼  
耦坐渾忘夏日長  
最愛閒情消紙局  
大難韻事得闈房  
繞庭竹箭參差長  
墜几松花自在香  
相對未應輸飯顆  
披圖一樣舊排場

寄友

百歲光陰一刹那  
得佳風月且婆娑  
秋來隨處多詩料  
漫等尋常孟浪過

咏菊

幾枝籬落自縱橫  
老圃秋風耐一生  
秋士情懷如許淡  
春官桃李讓伊清  
每憐此後花都盡  
難得開時月正明  
報到邨醪新釀熟  
連宵爲汝醉深更

秋日偶成

病骨經秋瘦不支  
無聊日日坐東籬  
有誰送到王宏酒  
賺出先生賞菊詩

家居書懷

門庭冷落少交親  
半榻陳書擁病身  
習字兒分殘後管  
煎茶妻拾爨餘薪  
休言世故須儒士  
常愧書聲聒比鄰  
四壁蕭然吾未愠  
無功及世敢辭貧

閒居偶成

數楹茆屋坐朝昏三五兒童可以羣每至飯餘思煮茗偶逢興到便開樽積詩漸滿牛腰卷鎮篋  
惟留憤鼻禪却愛閒居貧亦好不須俯仰感塵喧

元日書事

幾杯隨例飲屠蘇閉戶還欣事事無起晏兒能收客刺遊歸鄰乞寫神茶消寒喚僕來燒火遣興  
從人學擲盧自是吾家春較早小桃紅已到窗隅

初度感懷

久從塵海懺前因又逐空花墜轉輪命蹇枉生平感代愁繁雜號葛懷民那堪多病當貧日不合  
長閒未老身鷄黍深叨慈母意更無人處一酸辛

沈橋谷聞余病過訪與談半日病體爲之一快因成一律

半載沉緜臥草堂窮愁病思兩茫茫館金盡作延醫費書卷翻爲引睡方幸有故人傾肺腑已無  
豎子在膏肓街頭酒熟秋風近何日能陪醉一場

草堂

竹牀蕉扇乍尋涼又報西風入草堂對戶鄰家誇社酒隔邨親串餉秋薑新塗紙閣宜明月未贖

詩  
言  
卷  
二  
二  
棉衣法早霜此去漸多詩債迫東籬計日菊花黃

秋日坐雨

敗黃幾度落梧桐破屋何堪雨又風水滿方塘看戲鴨秋高平野數歸鴻枯苔繡瓦翻新綠片紙標門褪舊紅却恨泥多無客到連朝長放酒杯空

秋日遊郊外禪寺

木樨天氣正新涼倚杖禪關看夕陽傳杵鐘備春赤米散壺販客荷紅薑石陰教僕安茶具樹下聽僧說藥方偷得閒身真絕好西郊半日寄清狂

九日同筠生二癡攜酒仕江招沈橋谷南山登高

人生徼幾好重陽况是登臨在故鄉薄酒不妨終日飲高歌猶帶少年狂溪花如客盈頭白山葉爭予病面黃散髮峯巔吾輩事只應慷慨漫悲涼

秋日近村閒眺倣劍南體

偷得閒身喜欲狂出郊來訪近村莊經霜路草無油碧少雨園蔬有病黃並舍香傳聞煮芋隔籬人語看收薑者番秋思眞清絕自踏桑畦到夕陽

秋日原筮述懷呈諸同志

千山搖落雁南飛倚劍秋原眺夕暉  
未信英雄終馬磨何妨落拓暫牛衣  
治齏酒熟聊尋醉辟穀丹成不怕飢  
位置吾儕天有定疎狂奚必悔前非

小莊

閉門掃地靜焚香檢點閒身付小莊  
自學養生無酒失却嗤未死總詩狂  
舊書補綴留兒讀新茗封藏待客嘗  
粗喫家廚貧亦好甯輸旅食嘆他鄉

秋日雜興

滿城風雨菊黃時破屋蕭騷冷不支  
小甕尙餘迎社酒新牋多寫感秋詩  
久慵酬應稀來客自抱沈繇漸識醫  
我比柴桑貧較甚更無閒地作東籬

出遊

百年事業悟悠悠偶有閒身便出遊  
薄俗慣看慵罵世煩愁盡懣不驚秋  
尋詩屢到無僧院得酒頻觴缺主樓  
密節長筇高齒屐怡情隨處任勾留

閉戶

十年奔走悔勞薪閉戶權收百病身不信文章能送鬼敢將詩句漫投人名場相嚇多時學酒盞  
來招有舊隣麥笠華纓生早定丈夫何事歎長貧

秋夜感懷

西風庭院葉飛時愁坐虛廊漏點遲得月滅燒長淚燭逢秋添作不平詩交遊細數多新鬼造化  
原來是小兒一榼黃花聊自遣如今休再歎吾衰

閒居雜興

紙窗竹屋槿花籬掩逕優遊與靜宜自得長傾三昧酒更無暇作四愁詩寒廚且掛生塵甑名劍  
甯爲補履錐蕭散儘多閒裏趣何妨音少一人知

題少旌張君小鬟勸酒圖

鎮間長日掩曲樓楊柳梧桐綠正齊百折闌前鋪滑石十三弦畔引頗黎解音難得人如玉充隱  
何妨醉似泥我是維摩巖色戒披圖幾忘念招提

田家雜興

煙邨如畫午炊齊打稻聲中日漸西養病飯常增少頓護田寮欲當曲榭奴編密斷商團蟹兒募

私錢自畜鷄世業從今看漸足牆陰添接百頭梨

數間破落對孤松瓜蔓藤絲屋頂封寒近牛宮宜補草春深鹿砦漸添茸無才省作憂時相多幸  
長爲識字農高碓影邊殘井畔閑披大布過三冬

楚人無分食天倉敢道躬耕策最長十畝喜存霑汗土一犁聊受療飢方官租罕迫先人納家釀  
將箋約客嘗絕好荳棚瓜架下兩三隣叟話斜陽

風清雜樹送微香小步門前愛晚涼摘得園蔬連甲煮收來山藥帶根藏井頭汲散樵磨斧隴上  
秋成客築場地僻却欣山路近牛羊日莫自歸莊

檢貲無力別開堂聊寫豳風補破牆俗厚尙能通借貸農勤亦抵半豐穰賽蠶社裏多扶醉逐虎  
林邊有路俵獨倚長筇開一笑年來也自趁人忙

榛蕪塞逕草侵廊自笑門庭漸就荒火滅狐常栖破突困殘鷄喜啄遺糧封侯新種千頭芋煖老  
添栽百本桑早識田間如此樂十年慵走客中鄉

粗粗飯粥了朝晡投老孤邨興不孤廟史時招分社肉鄉耆間約議祠租蜜脾夏滿開房割龜手  
冬寒合藥敷除却尋常山笠事略關心處已都無

一室

短短垣牆小小廬  
條然長日閉門居  
苦吟屢覺荒兒課  
多暇常兼讀佛書  
早淡名心無夢鹿  
偶開殺戒是烹魚  
大言不學陳蕃傲  
一室閒時自掃除

感懷

半生歲月箭辭弦  
婚嫁勞人漸滿前  
未斷情根虛羨佛  
太多俗累緩成仙  
牽羊每慮難爲禮  
賣犬堪嗟值幾錢  
何日子平纔願遂  
名山隨處策吟鞭

書齋漫興

三間私榜小書巢  
門戶蕭然似絕交  
數卷丹鉛修舊業  
一盤苜蓿作常餚  
旋行自笑先生暇  
貪臥都忘弟子嘲  
廳事近年來無補  
葺殘磚都作月丸凹

惜花居士日來作詩禁用貧病窮愁詩酒花七字戲作絕句寄之

衣久穿空帽久塵  
塊然坐守百窮身  
曉窗光裏昏燈下  
排悶何妨賦逐貧

長年一榻臥維魔  
自嘆生身抱百疴  
若厭詩中多說病  
香山較我更如何

長慶集中言病者幾有一半

文章遊戲亦神通  
語帶窮愁每易工  
悟得個中真趣在  
何傷重託送留窮



湖海飄零漸白頭憂時花信易驚秋一廬圍住風聲裏那得詩成不道愁  
模唐規宋總支離此道從今孰起衰苦把心光同印證要君詩裏更論詩  
一石傾來始解醒劉伶原以酒爲名杯中弗禁詩中禁未免持衡大不平  
下語原來不在奇眼前都是性靈詩風花雪月無偏重忍斥羣芳不寫伊

聞又禁茶字再補一首

一鼎松聲日未斜等閒好試雨前芽時清無復金人政怪報騷壇又禁茶

初寒

歸來巾月臥深堂屋瓦晨興漸有霜妻道舊裘棉太薄兒貪新穀飯尤香箬爐乍擁微嫌煖經卷  
慵溫漸就忘自笑心情今又別詩成都愛說家常

宿江村

數家低撲大江濱策馬前投日已昏龜坼壁無題句地魚鱗岸有不碑墳遠邊沙勢如雲擁夢裏  
濤聲作鼓聞誰識窮鄉多道氣飯羹款客各殷勤

宿山廟



破驛荒山信馬蹄野祠今又借鶉棲俗衰廟史多乾子地僻邨僧有小妻狐怪戲人常畫出虎俵  
愁雨每宵啼尋詩却愛幽涼地乘興吟成掃壁題

訪張鐵笛適其臥病書此寄之

名重知難再掩關車聲日響讀書山者番却爲先生幸小疾猶堪借養閒

儒冠

半生辛苦歎儒冠鹿鹿風塵歲易寒無用反嫌身類贅長貧虛信命多官知難恨向諸天訴略託  
詩爲萬世看蟲臂鼠肝今懶擇試人擬問伯陽丹

讀道書答問者

一編間默稱閒身考究何勞太認真若使金丹今盡驗九天無地住仙人

春日睡起漫興

春慵屢廢讀書工睡起檐陰已正中草砌風微飛白蝶藤棚日暖墜青蟲忍飢暫坐因茶熟醫困  
旋行愛室空知有兒童傳飯至屐聲戛戛響牆東

遣興

龜曳鵬搏總宿因何妨隨分息微塵浪閒自笑如鼈叟多病羣嘲剩半人悟到衣冠成傀儡慵將鉛汞點金銀只應淺閣深廊裏匙粥聊支自在身

盤陀道上

匹馬匆匆落日低一鞭捎下亂峯西時平破埃無兵守寒迫荒林有狄啼行篋裘憐經歲做驛門詩認昔年題蒲葵關外閒回首非復黃茅白草迷

齋居卽事

秋意滿庭除晨興自開閣所思人不來坐看梧葉落

與家筠生坐話

時艱甯不惜頭皮死守書叢亦可嗤才拙有謀終易阻病多未老已先衰苦吟漸見心無血飢走何堪髻各絲頓袖中庭舒一嘅此情或是海鷗知

茫茫身世渺無涯一樣窮愁悵故知逝水光陰留豈得移山志願遂難期燈窗虛擬平戎策蓋篋惟填感遇詩他日麤償心事了攜鋤同采華山芝

山居雜興

數家寥落似柴桑  
草樹山深靜有香  
咒虎與僧傳祕術  
醫牛從客受新方  
小詩時向耕餘得  
疑典常憐閱後忘  
閒待兒童樵牧返  
門前負手看斜陽

遣懷和鐵笛作

極天勳業亦憑虛  
底事逢人媿不如  
作達聊參諸子說  
養生閒看列仙書  
心平史與時何忤  
緣澹應無憤可攄  
坐守窮盧君莫笑  
筮葭從古是安居

西樓閒詠

萬卷吾何有小樓  
聊自便簾垂雲亦入  
闌靜鳥常拳慣坐如孤佛  
長閒得半仙  
世緣都屏絕  
日課是詩篇

哭許鏡莊

昨宵猶過我茅堂  
駭耳何來太不祥  
誰使豺狼連骨肉  
頓教麟鳳喪文章  
積勞母爲憂成疾  
奇禍

安知竟莫防  
里巷傳聞齊一慟  
甯徒舊愛裂衷腸

許君爲其狂兄所殺聞城闕者皆爲痛悼

哭家牒卿弟

平生有數舊交親  
忍見修文去竟頻  
買疏萬言年正少  
陰符半卷註方新  
未伸木海屠鯨願  
遽殞

南山射虎身寄我吟箋猶滿楮一回檢着一傷神

生女報田舍人伯亮

賀客來稀鵲不譁觀音身又現吾家方期繡就鴛鴦鳥何意開成姊妹花幻裏因緣權孰領人間  
意願望多賒他時賣犬同牽累未免臨風一歎嗟

以上戊戌前作

壽山石

雪花霞彩碧雲腴品格閒評各絕殊奇秀自饒文士韻溫柔生就女兒膚三生翰墨知緣厚一片  
聰明許借無月尾巖西牛角北何年物色上崎嶇

佛手柑

託根塵世問何年尙結拈花未了緣上界兜羅如此現人間煩惱仗伊蠲聞香欲悟三摩地隔葉  
疑參一指禪劇愛摘供書几去寶光長在筆牀邊

素心蘭

冰姿雪貌玉精神生就靈均潔白身共長幽崖偏絕色任移人世不沾塵淡交只結風騷客衆卉

應安侍從臣我亦情懷清似水能禁相對倍相親

癸卯

同李銳之移居借邵窩漫題軒壁

約買青山未有貲且從鄰院借鵝枝各無長物移居易分得閒身閉戶宜壁破權將書畫補廚空  
一任鼠狐窺後庭好作蒔花地屈曲新編麈眼籬

多時幽閉積虛塵淨掃重教面目新壞榻破扉外無物闊談大辯中有人敢云賃廡便高士每喜  
敲門來隱淪海際鷗蹤原不定此間小住亦前因

蹤迹渾忘我與君收身來作在山雲世間榮辱同如夢時局艱難厭論文有酒且留知己飲得詩  
休許俗人聞惟餘一恨無銷處東北連年起海氛

位置思量僅小安匆匆又報歲將闌却看飛燕依人好無那聞鴻作客難几上風翻書頁亂牀頭  
月射劍光寒何年遂我誅茆願十畝長林結古歡

讀草廬經略有作

英雄畢竟氣難馴決意埋名或有因漫怪神龍徒現首本來霧豹愛藏身高談北海無時輦臥隱

南陽有替人草莽原多眞將種當途誰識問遺民

感事寄家亭山兄絕句十首

一片松楸四百春更無護隴子孫貧怪他不是要離墓穿塚因何愛作隣  
鴻溝畫界迹長存野牧山樵識墓門臥榻今容人鼾睡敢辭罪不在兒孫  
爭墩陋習笑南人典實何期在及身入世我如且過鳥只愁饒舌累周親  
一語呼天聽得不強兼弱削到今愁泉宮尙有侵陵感萬事誰云死便休  
幾度營巢風雨飛羣鳩嗔鵲今仍歸野狐尙覓首邱地此豈鷄蟲間是非  
塵未談交已廿年不同夙絮偶因緣何圖今日成睚眦回首英山一惘然  
斲根刈葉總傷情其奈牀膚勢已成萬物思天人念祖此些性種不能更  
白雲蒼狗幻來新世態顛翻不可親却被南華先覷破一千年上笑今人

初夏宿山家書事

三五岩坳自結家高杉長竹密週遮藤垂絕澗通猿路草長閒畦隱兔置隣叟過招收石蜜村童  
相喚採山茶屋頭徹曉喧何甚麥把乾黃正打枷

歲暮感懷

功名事業兩茫然虛走人間又一年時節易增中歲感窮愁如結有生緣抄方自製屠蘇酒撲滿  
兒分爆竹錢待與東風問消息着鞭何日快爭先

甲辰

燈節後連日坐雨漫成長句

輕雷殷殷雨絲絲半月書窗看漏天小徑潦深花在水虛廳溼重蘚生甑多時不見常來客長日  
如脩靜坐禪九十春光三十去縱無情緒亦悽然

憶九侯山用齊韻

避器常借古招提半篋殘書一小溪淡泊自裝盞數瓊青黃雜種菜雙畦林間菓熟飛松鼠籬角  
泥深叫竹鷄記得詩成慵起草掃苔便就石頭題

閒尋仙迹遍高低到處多爲半日稽樹杪通泉橫水篔杖前偶響墜山梨貪奇洞盡窮幽去賭健  
崖常冒險躋猶記筍峯連臂上投書幾欲作昌黎

有時輕舸發東溪好友如星恰聚奎村市途脩難買酒山廚肉斷只羹藜奴憎竈上多狐迹客怖



門前有虎蹄最愛鐘樓僧定後一龕佛火說泥犁  
游歸常失舊行蹤谷暗崖陰望轉迷危石險疑無地著奇峯高欲與天齊晝昏翹翹作人語月黑  
鴉鷂如鬼啼幽趣閒思都絕好何時筇屐一重攜

擬宋宮人梁家園餞汪水雲南旋

淒涼何處問揚州剩水殘山不可收萬里鄉關蝴蝶夢六陵松柏杜鵑愁黍離麥秀餘生苦地老  
天荒萬事休等是官家舊臣妾相看那禁淚紛流  
天壤原非力可支黃冠還里亦權宜強顏且盡離筵酒巧手難爭敗局蒼漢檻當熊無復望吳宮  
走鹿不禁悲臨安此去休回首金馬銅駝異昔時

擬汪水雲答宋宮人

北轅南轍盡纍囚相見難言只淚流誰把神州來再造徒歸故里總堪羞覆巢果信無完卵報國  
深慚未斷頭今日眞成行不得幾回欲發又遲留

恥無方略障金城束手徒看大廈傾翟義倡言誰復應唐衢欲哭不成聲鸚鵡猶念先皇澤大馬  
甯忘故主情國破君亡身尙在此心終是未分明



新塗紙閣漫題二律

重門深掩靜無譁  
紙閣蘆簾自一家  
插架圖書饒世業  
繞階花草足生涯  
堂深恰喜塵難到  
市近翻貪酒易賒  
心遠地偏真定論  
奚須拘苦臥煙霞

淨措几案坐攤箋  
每日窗前課一篇  
自笑多情難作佛  
誰云食字便成仙  
身宮早定休談命  
時局方艱合息肩  
富貴常勞貧賤逸  
蛇蛇無事苦相憐

夏日卽事和陳山長丙燕元韻

幽圃閒局斷俗譁  
四時佳果四時花  
記從荔子紅堪擘  
不羨人間七品茶  
多時不踏市城塵  
踪迹惟教水竹親  
誰道炎熇斷行路  
敲門猶有索詩人  
有不盡意仍用前韻再成二絕

滿院清陰鳥語譁  
薰風吹透一池花  
可容襍纈衝炎至  
來與先生共煮茶  
愛栽密竹障紅塵  
鴉嘴長鋤手自親  
移石分泉忙乍了  
攤牋又作苦吟人  
賀黃劍郎邑尊真武山禱雨應候絕句六首卽次李孝廉濟東元韻

河流已竭况池波  
四野其如赤地何  
愁絕山雲慵作雨  
鋪空枉自碧嵯峨

秘咒傳抄銳意行齋壇三日自輸誠使君原是眞菩薩可惱南泉太俗生  
盥手安排禱雨盆瓣香眞武乞慈恩槐衙徒步侵晨出汪濊隨盈遠近村  
砵匄連日走阿香喜雨筵開飲興長葑屋祇今同一快計時新穀已堪嘗  
新綠鱗腥已滿前果然人意可回天鰈生縱未同趨祝亦要臨風一寄箋  
封閉江湖事太奇誰分硯水與潛滋景山况有隨車雨從此豐登更莫疑

次陳山長溪南啖荔韻

十村紅醮千林火一院香吹萬顆風勾起東坡嶺南興游踪半日荔園中  
枰陰移影日初斜江綠藍紅各報嘉誰繪劉崇龜一幅全收香色供吾家

聞龍溪蔡春官茂才病脚四載未起悽然有感賦此寄之并詢其同里周信甫近狀

久疎魚鴈意怛怛驀地傳來劇可驚似向禪門參妙諦至今無死亦無生  
一病何期歷歲年丹霞遙夢路如天夢中每把兄詳看尙喜形神不異前  
傳家世業是青氈知本無多負郭田著尤參苓相料理衣襦能質幾千錢  
君謨門戶太伶仃每度相思暗涕零我亦傷心昆季少淒淒同是影隨形

漳江臥病憶年時藥物勞君費苦思安得長房來縮地維摩榻畔去扶持  
少時離索輒心縈况近中年以後情自告哥哥行不得耳邊愁聽鷓鴣聲  
瘴氣毒霧歲漫天借疾猶堪度厄年剩有此情堪寄慰關心交與塞鴻傳  
南山寺裏借僧寮選勝探幽共暮朝廿載光陰彈指頃知君回憶亦魂銷  
有無秦綬與盧醫此際行愁復坐思早晚消摩能愈疾莫遲書報使吾知  
知難陟嶽與臨流一室無妨作臥游終有公孫病已日漫持煩惱在心頭  
久向鄉園臥故廬多年不叩子雲居兩行藍玉佳兒女知讀床頭幾本書  
十等難堪是腐儒相知大半困窮途里中周處今何似可有資生寸計無

詩成未寄忽接蔡君手書苦况千般讀不忍卒再成七絕六首

一紙書開淚滿行牛衣未見起王章只除木石無知覺那箇人聞不斷腸  
人間何處覓岐黃生趣唯消六尺床未是使君慣鞍馬一無解肉轉堪傷  
玉燕投懷事又虛賺人眉黛只旬餘可堪出匣雄雌劍去在張華尚著書  
慘聞長女復中殤早晚誰擎一勺漿僕婢分開阿子弱應門正又費思量

幾度緘詩未寄將忽聞哀鴈落江鄉  
世間別亦尋常事其奈人窮到子桑  
鑿齒深愁無氣力休文亦病瘦腰身  
可憐同是溝中斷漳水相望兩半人

策士谿懷古

東南半壁遽全傾聞說當年此駐營  
瑣尾可憐猶愛士艱難何處更徵兵  
播遷弟子朝廷小離亂文人筆硯生  
愁絕龍鍾雙袖淚至今尙發杜鵑聲

亂藤叢木走颺颺屈指滄桑幾變更  
季宋君臣多氣節中原人物重科名  
溪山尙遠掄材殿草樹全荒駐蹕城  
舊日宮垣無寸土剩餘一片夕陽明

三年八度此間行細數曾經幾十程  
斯世已無元社稷居民猶說宋公卿  
塵裝困頓憐今日席帽聯翩感往情  
成旅當時心太苦那知魴尾竟徒顛

年深烽埃土全平念澤村農不忍耕  
廢隴長留吟蟋蟀空臺間與宿鴉鵲  
竟同井澳難終住未到匡山總力爭  
獨立橋頭撫殘碣西風晞髮淚縱橫

題謝觀有茂才小照

風塵我歎路多歧羨汝林泉息影宜  
靜與兒童溫舊學閒教鸚鵡念新詩  
長康才藝知無敵昭諫

胸懷本大奇更愛談諧似臣朔  
撩人絕倒笑談時

次陳梅陔廣文重九感懷韻


頻年書劍累奚奴蘇季金裘蕩已無  
讀到新詩更增感韓門師弟總窮儒  
登高何處遣閒情節敘相催暗自驚  
况是蓴鱸鄉思迫有人遙憶月輪明  
世事都銷酒盞中一心如水萬懷空  
鱖生可歎癡頑甚撼樹蚍蜉自處窮  
一樽料理菊花旁好待閒時話夕陽  
無事可容分杖履世閒味是醉差長

丙午

北行雜感

風塵傳說宿心驚今日偏爲萬里行  
從此白雲親舍遠回頭南望不勝情  
霞繞溪頭買小舸一篷寒雨夜迢迢  
長年不認常時港錯向蠓墩把櫓搖  
自出關無一日晴斷風零雨伴孤征  
客懷最是難堪處沿路人家爆竹聲  
鄉書遼闊可如何誰道開緘恨更多  
一度翻看一惆悵故山仍未靖么麼  
土音遞變認難明茶飯尋常記不清  
惟有寒雞都似舊遍聽都是故鄉聲

馬齒徒增劇可悲浮生又了一年期江流渺渺知何去倚桌聊吟自壽詩  
惱亂心情百不宜逢場多負好花枝同游未會人來意只笑東坡一肚皮  
江芷江萍跡偶同無端潮起又西東計程遙隔三千水不信天涯有好風  
無奈心情借醉過相逢燕市酒徒多何時羣醜驅除盡大唱秋風卷白波  
韶光儂指太蹉跎纔見春來又見過惆悵南鴻不歸去天涯其柰客愁何



東  
鴻  
篇

乙






哀鴻篇自序

棄書市隱，風雅道廢，筆硯束閣者垂十數年，加以中原多故，市民首受其害，黃楊厄閨，愈滋塵勞，邇來南北又再稱戈，舉國騷動，詔當閩粵衝，久爲戎馬蹂躪之場，乃城門失火，殃及池魚，全家骨肉，一旦分飛，世業蕩焉。皮架詩書，與壓囊吟稿，其化爲雲煙耶？抑淪爲糞土耶？杳難問訊，相從海上者，唯沈大遯菴一人，其餘親屬及知交，均不知飄零何處，秋盡日待渡東山，適家詔庭姪亦轉徙出境，將之同安，舟次遇之，遂同東渡，流寓鷺門，逆旅雜沓，居久殊苦。十月二十六日，乃與沈大買權雙溪，訪紹庭於縣校舍，被留安榻，流離庾信，客本無家，遂復安之，奈兵燹之後，閩井邱墟，溝壟茹角，視聽觸覺，均怵余心，且里門狀況，魚渺鴈稀，長坐賓廬，百感交集，無聊之極，時借篇章以舒積悶，腸枯心亂，語不成聲，殊無足錄，然念病蟲心血，棄之可惜，姑依次彙而存之，以其離亂哀音，言多慘痛，命之曰哀鴻篇，以當紀事云爾

時戊午冬至後十日潛夫氏



逸園詩草

哀鴻篇上

紹安林有石竹賓著  
友人張俞堯杏校

戊午十月二十八日登同安城感賦

頻年鏖戰剩空城胡角淒涼不忍聽八堡炊煙多處歇雙溪流水平一齊腥乘危寧忍民非盜肆虐誰分匪與兵太息遺黎生氣盡當途何日各持平

破瓦頽垣不可居傷心一炬復焚如千年梵宇成焦土四望城闔總廢墟載道哀聲同故國長途烽火斷鄉書白雲親舍知何處回首漳南淚滿裾

聞同安東門鑿通同沈大出郊散步并訪大崙山

多時溝壘苦烽煙血漬城根認尙鮮可惜健兒好身手不教同去事平邊  
城非函谷塞寧堅徒恃丸泥計太偏畚插勞勞成底事累人辛苦是從前  
一踏榛蕪履欲穿斷磚殘瓦悵民塵傷心人過傷心地再禁相看不涕漣  
名勝傳聞說梵天到來無處問初禪經堂佛座餘灰燼枉費千家市施錢



連臂攀躋到極巔  
晦翁廟貌獨巍然  
禪儒亦有分興替  
那怪滄桑竟變遷  
踏殘礧石與巖煙  
半日閒尋第一泉  
法海不歸苔跡暗  
舊鐫短偈認難全  
五百阿羅都變相  
一尊彌勒尙安便  
料應狡獪原卿法  
早結人間歡喜緣  
留月巖空剩數椽  
牽蘿補屋定何年  
風松寒竹無人管  
爲立山門一憮然

同陳碧涯夜話

滔滔歲月水流東  
少壯消磨一夢中  
身世自嗤窮措大  
衰頹堪歎老鰥翁  
口頭禪淺難成佛  
肘後方奇莫反童  
剩有空言相慰藉  
琴材須問己焦桐

附陳碧涯元韻

葛屨霜寒怨大東  
不圖相見亂離中  
生平久識無餘子  
慷慨猶能學醉翁  
共歎蹉跎成老大  
忍看翻覆任兒童  
雙溪當酒盟心印  
且寶希聲壁上桐

洪師鶴前輩次前韻

百川力障盡趨東  
誰料瀾翻蟻穴中  
戲水魚蝦爭澤國  
滿汀鷓蚌孰漁翁  
縱能成市難離海  
堪笑求仙枉遣童  
惆悵鷺鷥無下處  
誰將枳棘變梧桐

長至日同城諸友邀飲饋餉各極慇懃感作長句

無家燕子各西東地角天涯歎轉蓬  
葭管愁看長日至干戈寧識幾時終  
全荒先祀遺民苦慚謝  
行廚餉客豐安得杜陵洗兵馬  
相將沈醉一歡同

附洪師鶴前輩見和二首

紅日西傾復轉東人間天上總飛蓬  
中秋苦憶海濱月長至聊循家祭風  
偏是後來翻作主不因  
離亂莫談衷衆心思治吾環慮慮乏  
長繩繫此公

漳流泉水判西東天遣魔驅會此中  
離後方知聚首樂劫餘頓覺凡心空  
從今得酒便狂醉那管  
逢場誰主翁六十餘年真好夢  
神姦禹鼎話難窮

次鍾綠畊先生六十自壽韻

不甘則足玉輕售道味心濃少外求  
花甲最難眉案好松齡合作肉仙留  
久傳詩句成三上尤愛  
襟懷類四休未獻紫霞來一侑攤箋  
補缺寄齋頭

得龍溪蔡青雲來書賦此寄答

尺書報我到天邊竟有開緘在我先  
雖免空函嗟咄咄終防言事太便飄  
零深苦無家客困頓

遙憐示疾禪等是微塵中一物只應珍重守殘年

寄海澄馬君亦錢

秋風三徑十年開異種聞多海外來知道東籬花譜裏半應陶令未曾栽  
我來恰近菊花天渴想餐英一扣舷無柰維摩剛示疾不容弟子去參禪  
錦軸牙籤玳瑁筵書堂猶記共攤箋燈青酒碧宵無睡回首前塵十四年  
頻頻寄我一團香拜受多年未報將惟有私心牢記取至今風雨不能忘  
漳江六月荔支紅賓館冰盤偶一同等是爲他人作嫁倉倉小聚復西東  
開緘知有晚花看不道神山到竟難冒雪王猷方理櫂前頭大海又狂瀾  
海飛山走陸生波世道如斯可柰何茗椀花樽聞好在不妨晨夕且摩挲  
暮地秋風捲屋飛杜陵茅草已全非料應知己同惆悵日暮天寒客未歸

答韓无悶

江南風雪正漫漫歲暮長途作客難且莫匆匆東去急鷺門好作故鄉看  
東西勞燕劇堪歎叫雨翻風影各單難得客中還念客書來頻問故人寒

茲行却賴主人賢推解相將到客邊惆悵故山荆棘滿不知何處度殘年  
屠狗推埋各有情可憐無用是儒生彎弓無力橫刀怯徒看么麼去弄兵

十一月三十日在同安縣校舍飲酒作

逐客困天末舉杯興不豪仰天一歎息問我何塵勞悶坐如禪悅愁吟續楚騷慵隨祝新歲吾徑  
久蓬蒿

避焚來水涘感覺怵心同瀉疫干戈後詩書糞土中居憐鳩鵲屋事歎馬牛風何日息風火還吾  
半畝宮

楊翌卿寄到鼠裘寬博古製笑賦絕句奉答

爲憐風雪臥袁安特解蒙茸護曉寒自笑臞儒生太瘦披來不覺鄙夫寬

題礪齋壁

謝絕紅塵少往還門庭幽靜似深山數根花草三椽舍盡日無人獨掩關  
東西學說亂稱尊一室歸然古道存吟罷書窗無箇事手圈四子課兒孫

偶訪礪齋適正緘詩邀飲因招同張子庚前輩作盡日談賦此奉和



問字渾忘載酒來一樽先費子雲開琴書無恙歸來好骨肉長拋旅客哀轉徙偶然依講塾結鄰  
何幸近嗙臺干戈滿地乾坤窄且共東方話劫灰

雜感并寄友人

讀書擊劍兩無成勞碌風塵過半生世業飄零雙鬢白更何心緒問前程  
無端楚漢畔長開錦繡江山換劫灰嗟我子遺誰告苦西風晞髮慟雙臺  
剜肉醫瘡事可哀何堪腦髓復頻來人非木石能無痛誰與蒼生剖禍胎  
民間有限是倉箱那給貔貅萬口張未與仙人傳秘術煮殘山石莫成糧  
恭敬誰非梓與桑維持力竭已堪傷可憐齷齪諸黃口逞走前頭作虎俵  
面具登場不告疲飽來餘瀝更萋萋居然大築春磨寨曷管人民骨肉糜  
措大奚曾有厚儲箠鞭直到莞葭廬詩書究竟知何罪亦共餘糧付子虛  
并非博浪去飛椎大索偏餘十日危誰嗾夫燹來至此有人切齒已多時  
叱犢畊田無氣力駕航航海懼風波思量瓦縫已堪歎况復門前多網羅  
各自分樞各豎藩天胡此醉晝如昏安能但寐終無覺五月親庭未過存



三千慷慨赴秦師，魏信當年急難時。  
無復侯嬴作牙獍，抵今何處覓屠兒。  
墨翟苦悲絲是素，楊朱終泣路多歧。  
風波莽莽無行徑，奚去奚從我尙疑。  
王莽謙恭非下士，周公恐懼起流言。  
戈頭盾鼻聊安睡，雲雨憑渠去覆翻。  
引繩着着力批根，細數原無宿世冤。  
竟自甘心居禍首，不留餘地與兒孫。  
蟻附腥羶蠅集穢，魚潛江海鳥飛天。  
物情各別原如此，不道人生理亦然。  
茫茫造化本難知，得氣微蟲亦羽儀。  
眞箇鳳凰不如我，世間尙有歲寒時。  
痛心狐鼠亂縱橫，薰掘仍嫌礙社城。  
誰豢靈貓與露犬，來將窟穴掃除清。  
割據何年始息爭，非時本不筮王明。  
丈夫有命存何害，醒眼閒看走狗烹。  
鄉書寥闊苦縈縈，報到來鴻意轉驚。  
每度開緘總惆悵，一波纔越一波生。  
無窮心事說來難，逐客天涯歲易寒。  
愁絕緘詩告知己，塵途珍重且加餐。

柬友

是我推敲一字師，詩成合報與君知。  
曉窗飯罷無餘事，且過寒窗坐小時。

歲暮留別陳公祠同寓友及城中諸前輩

塵裝三月古祠留坐對離筵意轉愁中國有原多逐鹿舊巢無處不居鳩江湖瞥眼成新歲烽火  
驚心感故邱牢記春風好消息雙魚莫漫報同仇

憂患餘生苦播遷雪鴻泥爪每情牽風塵客跡成流寓離亂朋交亦夙緣自歎無家猶賦別相逢  
何處重攤箋驪歌聲急難停屐怕聽陽關曲一篇

與沈大曉發同城

滿隄霜葉滿蓬煙行李蕭然未一肩瞞却雙溪鷗鷺過免教離思各纏絲  
杖履蹣跚趁水程沙頭敦促責寒盟鷓鴣杜宇同無奈山北山南不住聲  
清溪淺水好行舟四面山光一望收輸與東坡情緒異斷風零雨滿心頭  
半載江湖共拍浮驚濤駭浪使人愁他年前燭西窗話別是吾生一段秋

別後更名寄友

食字人間未得仙蠹魚辛苦悔當年打包等作雲游去再到郵筒認恨禪  
交親且莫訊行藏塵海茫茫不定蹤石上三生緣未散天涯萍梗或相逢

將赴榕城道中同沈大作

柴門不得曲吾肱去國艱如苦行僧大海航檣雙客影長途雪霜一行滕祝來自笑頭無髮瘦甚  
同驚骨有稜勉共風波牢立足好留眞面見親朋

除夜在陳寄今明府宅中飲酒

歲事剩今夕圍爐主客俱兒童誇面具老子感頭顱叩戶來雙鯉開絨盡一壺唯憐家祭裏未得  
効馳驅

又分寄客中諸兒七律二首

一家五處悵離居消息迢遙託鯉魚鴈影東西頻惜爾烏私夙夜劇愁予分飛苦記秋方半逐客  
驚看歲又除三徑久荒蛇蝎滿何時同去事揮鋤

生平事畜計原疎貧士家風數卷書憤甚每思焚筆硯時非算竟及樵漁身名好寶千秋在星運  
何妨一度虛賣餅傭沽無不可靜看水到自成渠

苦寒

兩霏成雪霽成霜連月陰霾凍欲僵兩手如龜齊圻裂爐頭長煑桔皮湯  
不因謝客亦關門炭火平添了不温莫是左旋天偶錯移將朔漠入中原

上元日在閩垣作

殘年爭忍棄田塍其柰遷移到谷陵越境悲逾彈鋏客行裝輕過打包僧干戈滿地愁鄉里衣食  
長途累友朋自渡江來時屢變榕城又見鬧春燈

馬龍車水看騰騰今昔回思百感興生已無涯偏門靡城多告陷竟忘懲親幃故國情空繫令節  
他鄉恨轉增忠定祠前申一揖不禁悽惻淚沾膺

春日客中晨起閒詠

淨掃虛房似水清茗鑪書卷愜幽情盆花得暖三分透闌紙初糊十倍明鶯語尙稀因積雨鶻聲  
忽聽喜新晴客窗睡足無此事負手微吟遶室行

書悶

犇風牛馬各天成逐逐殊羞與鷲爭但得小鮮供薄醉何遑大藥問長生我心匪石原難轉世道  
如山本不平未免痛心唯一事武城居室變重營

日歸無地託枝棲久趁車塵面目黧秋雨乍憐鴻鴈渡春風又聽杜鵑啼滿園花草悲荆棘一室  
琴書散鼓鼙積憤每思投筆起海陬先去堦踪鯢

送陳寄今明府攜眷之京

萬里春風錦纜牽一船眷屬載神仙計程遙隔三千水破浪渾如咫尺天此去遺黎多引領決來時局望傳箋奔馳家國吾生事不作江淹歎黯然  
遙聽歸鞭喜過存兼旬下榻累陳蕃陽關又唱歌三疊賓館誰同酒一罇鵲蚌相持悲故國滄桑幾變感中原救危終是和平好握手河梁只贈言

寄馬亦錢

準擬春回到看花風塵勾挂事偏賒故人若問萍園處軍署牆陰第一家  
判袂江頭幾暮潮垂楊又見綠千條相思句子知多少小乞天涯慰寂寥  
方尚盧同七椀誇旗槍不是雨前芽文園老去多消渴空羨巖頭一餅茶  
近得金陵遠寄箋愁聞北馬又南船波濤風雪兼程受料想君知亦惘然

憶在家時隣生某攜放大鏡及風景士女圖一箱來索余觀全球景物俱在目前大有趣味  
客中無事就其猶記憶者各綴絕句一首歸示某生定亦宛爾也

五洲名勝一囊收老去真堪託臥游說與少文應妬殺僅餘尺幅挂床頭

豐碑古木肅山門蕩蕩巍巍大道尊東魯千秋西狩去猶留高塚鎮乾坤 孔陵

寺觀林亭醮水清岳墳蘇塚各分明從今免向杭州去面面湖光鏡底生 西湖

楊柳千絲復萬絲長隄日日拂征旂河梁一歲多車馬會記風塵幾別離 蘇堤

莫愁千載渺難呼空剩淪淪水一湖記得石頭城下過塵縱半日憩浮屠 莫愁湖

喬木千章認禁垣一株連理獨當門轉頭不覺滄桑換非復衣冠禮至尊 西苑

數頃漣漪淡欲秋誰家爭盪採蓮舟柳陰深處多池館猶憶青荷作粥稠 十刹海

燕市歸來歲月深酒徒消息久浮沈春風忽到檀郎面回首前塵感不禁 春泥花

都城壯麗說巴黎對鏡令人目欲迷近世胡兒殊狡獪未應異已便排擠 巴黎

遙爲居人特地危層樓三十太炫奇近來世界多災異怕否雷轟地動時 世界最高樓

飛機潛艇鬥精思入地升天險若夷科學竟逾符術幻一編水滸演江湄 飛機

四面琉璃絕點塵刀圭術妙少吟呻笑他不是維摩室天女花都着滿身 西醫院

大野荒山畚插繁番僧三兩卓雲旛喃喃不識持何識尸積如山欲斷魂 西人埋斃死士

次某上人春日寄贈韻



漫賦心情舍遠公淚痕透暎夕陽紅杜陵喪亂愁無奈庾信流離恨正同不是天涯逢舊雨已忘  
人世有春風柴桑三徑荒都盡鷓鴣語鶉聲費折衷

得沈大鷺門書不禁慨然賦此答之

造物一何酷吾徒只予愁事常來意外火復熾心頭得失塞翁馬悲歌寧戚牛昌黎已千古我命  
亦仇謀

客中生日感作四首并序

二月十九日爲賤子覽揆之辰三山遠寄獨客多傷回念閭井烽煙淒涼滿目東西勞燕惆悵無  
家種種哀思直不知如何言者兼以粘日無膠流年若箭陸務觀五十過二之感忽焉及之不咸  
一事徒悲草木年深虛度半生只作風塵客苦既光陰之易逝復時事之多艱用賦長句以摠積  
憤况楚天鴈叫秋士生悲巫峽猿啼離人盡淚干戈影裏叩門皆正則之辭湖海道中搥鼓無禰  
衡之罵哀祝宗之祈死不可一時比伯玉之知非已逾兩度聊爲酬賓戲雲牋遙代霞杯不廣絕  
交書瓦縫來談海屋大夫皆曰可殺本禍至之無期遺子何堪告存况河清之難俟然勞者不可  
無歌古之人有先我者因將海內外同人所錫篇章謹拜登受并丐草聖彙署長幅命之曰湖海

風塵卷藉鎮客篋兼留以證千古之傷心人焉

知非忽過兩年期歲月辭人去若馳世變閱來頭似杵生涯贏得鬢如絲賓筵只作澆愁酒客邸  
聊吟自壽詩爲問慈雲更何怨一龕相對共低眉

家山已破去何之老大艱如失乳兒子舍東西憐鴈影親庭寥闊繫烏私仙凡判在生天日苦樂  
根成墜地時造化從來原好弄杜鵑一世只教悲

枘鑿方圓本不宜玩時况復太頑皮平生事業詩千首半世情緣筆一枝命蹇每疑爲計左年深  
徒悔讀書遲十章虧上高堂祝回首黃花淚暗垂

逝水光陰不可追魯陽空費把戈麾徒增馬齒看憂患未白烏頭苦別離鏃已辭弦竇倒轉月當  
過望定徐虧狼氛故國銷何日再補重茅去下帷

附張香浦同學卽席見和作

坎巽艱難漫與期偷閒且任隙駒馳衰時世路多塵網舊業江干有釣絲好結清緣斟杜酒攔開  
往事和陶詩客中囊澀壺觴薄借取花枝助介眉

跡浪江湖任所之臥薪嘗膽是男兒憂危未免乾坤窄顛倒常疑覆載私大地龍蛇爭幾日故山



猿鶴化多時霞觴有酒聊須醉到處爲家且莫悲

道高本不合時宜慚託門牆只學皮入世談如甘蔗尾撐天仰以老松枝稱觥正喜春花早得句  
何妨夜漏遲黃絹好詞千首在儒林傳裏永名垂

道範心摹復手追談經塵憶昔年麾慰情路遠圓萍跡紀亂詩哀接黍離杜集千秋同不朽萊衣  
百劫永無虧三山今日賡遐報宛當絃歌在絳帷

張子庾前輩和作同安

難得知音遇子期驪駒何事竟奔馳津亭有客移征櫂時局憑誰解亂絲微服過都攜舊雨倚裝  
就道富新詩三山二月賓筵好未及飛觴爲介眉

永夕場駒孰繫之離情盡付筆頭兒隍中鹿夢都成幻池上蛙聲總爲私但使浮沈聊任運未妨  
俯仰各因時窮通氣數人難主返旆詞宗莫漫悲

老來百不合時宜慨想坡翁一肚皮建國徒爭鬩觸角深林且覓鷓鴣枝白雲親舍君心戀黃卷  
當窗我意遲莫笑巴人思刻羽還期老眼一青垂

佳章玉環復金追如意天花任指麾湖海風塵憐遠客悲歌慷慨怨生離劍投雷煥終能合琴鼓

昭文定不虧好待披雲見紅日誦絃重理舊緇帷

陳師竹前輩和作同安

繫維私悔誤前期回首閩江一鴈馳好我幸無辜舊約繡君端合買新絲傷時筆老江南賦寄遠  
箋多渭北詩喜與觀音齊現世吟壇禪榻共長眉

君行教我竟安之造化如今信小兒生就么麼長作惡誰云覆載竟無私光陰同起流年感身世  
偏逢過渡時客路壺觴知痛苦相煎箕豆太堪悲

我法原應不合宜胡能似馬任蒙皮思親君念黃花節送客吾慚綠柳枝壽本如陵悲愈壯詩成  
遠道寄妨遲一篇當把觥籌獻遙祝名山大業垂

地角天涯跡莫追神馳玉塵笑談麾萍蹤莫說多時寄塵劫終當有日離鏡爲磨礪光愈潔潮雖  
漲落水無虧報君一語君休歎此去風花自入帷

鍾綠畊前輩和作同安

靈谿乍喜慰心期驀地東西費系馳柳果一生都帶絮藕原通體盡牽絲聊將下里巴人曲且和

陽春白雪詩壽算君今逾大衍佳辰恰共佛長眉

漫嗟歧路去何之橫掃千雲只筆兒斯世如何皆欲殺彼蒼到底豈容私風瀟雨晦成前事月碧  
天青會有時問道客中文酒盛霞觴端足洗餘悲

觸蠻世界道難宜忍味隆污斷老皮去國暫居鳩鵲屋容身亦當鳳凰枝干戈未定憂難了文字  
無靈悔共遲却羨高堂椿樹茂白雲深處蔭長垂

孤蹤遠引渺難追猿鶴山中孰指麾傾蓋於君如久故攤箋有客悵睽離寫愁句好殊無敵祝嘏  
詩遲幸未虧他日鷺江歸棹穩可能揭我舊書帷

家蘭玻叔和作

買山昔自訂心期垂老偏如驛騎馳游子他鄉長泣路故人遠道復悲絲仰天方弔蟲沙劫齋地  
旋來覽揆詩同硯同齡同作客披吟不禁蹙雙眉

兼段一水曷從之只把相思託鴈兒塞馬由來多得失池蛙容與辦官私魂銷故國烽煙裏腸斷  
新亭涕淚時北望中原天萬里躋堂何自慰君悲

老去依人百未宜天涯惆悵兩鷄皮遙悲鴻鴈曠荒野私歎鷓鴣託小枝十載功深吟句好三山  
道遠寄書遲榕城亦當成都市一桁簾青且暫垂

生民清廟力能追魏野才高未一麾吾輩生涯真落拓詩人骨相太支離客中文酒憐君感海外  
壺觴感我虧遙憶閩江花正麗春風知滿仲舒帷

張鐵笛和作 禾山

刀鐙空撫滯歸期落拓風塵歲月馳去國共憐增馬齒思鄉同是縛蠶絲未傾北海延賓酒聊寄  
南山介壽詩驚嶼閩江雲樹隔相逢何處覩芝眉

兵戈荼火欲奚之射虎屠龍付健兒冀北誰求千里足關西不受一人私狼烟漲野銷何日鷲水  
維舟待幾時大斗醉吞延壽酒城頭笳角任哀悲

道非到處鮮相宜神驥偏遺世相皮故國驚殘鷓鴣夢新吟愁託杜鵑枝蓼心多苦都嘗盡蔗尾  
回甘不厭遲惆悵懷人天未遠沈沈孤館一簾垂

模糊舊夢不堪追騎鶴揚州一笑塵藥草當風憐獨活花枝着雨怨將離膽肝照我窮彌見心血  
磨詩老未虧猶記逸園深夜裏茶烟遶榻月侵帷

唐秋搏和作 江蘇

光明磊落見襟期一幟詞壇獨聘馳司馬抵今增舊感平原何日繡新絲客中初度聊呼酒世外

偷閒且賦詩莫問滄桑幾更變知君菩薩本長眉

世局如碁且聽之鬚眉無負是男兒旅窗嘯詠多仙韻宦海浮沈愧我私馮鉞彈來誰愛客齊竿  
吹去莫逢時驂騑自有騰驅日漫作哀鳴伏檻悲

模稜未學世難宜無怪時流只相皮節勁獨存冰雪操才高定占鳳凰枝東山折屐應嫌矯渭水  
投竿莫怨遲文酒鷺門歡會好春風柳眼共青垂

一棹匆匆去莫追閩江歎歲駐旌麾久虛經對知長恨欲舞萊衣歎遠離但願烽烟全淨盡且憑  
造化自盈虧放懷不作窮途感遙詠岡陵壽董帷

家蒼巖和作 永春

後會雖遙自有期瑤章雒頌寸心馳傳家不藉千鐘粟避地聊安一釣絲四海論交肝語膽長途  
遣興酒兼詩行年我亦知非近爲寄霞箋遠介眉

梗泛萍飄任所之一門俱是好男兒東勞西燕憐喬梓落月停雲繫鄙私色養無忘多難日心知  
本在定交時嗟予堂上音容杳弱冠便興風木悲

江湖滿地狎鷗宜不羨烏紗羨笏皮水涵池蛙藏曲穴風高林鵲徙低枝傷時飯顆心情苦學易

君平歲月遲爲問過江人似卿他年青史孰名垂  
萍踪靡定莫能追勞我鱗鴻困指麾未得躋堂親燕好同憐遠道歎化離途窮眞覺生如贅時退  
仍欣志不虧大地干戈何日靖故山歸去共褰帷

黃蘇卿和作

早門

高山流水是襟期竟趁紅塵隊裏馳客邸誰同傾白墜壽詞端合寫烏絲庾公囊滿傷時賦杜老  
箋多感事詩我欲南陔添逸句枯腸搜索苦攢眉

百川力障欲東之砥柱中流信可兒無奈多生齊墜劫不堪羣醜競爭私登樓王粲愁長日破斧  
姬周困一時爲報椿庭垂蔭密躋堂有酒漫興悲

心情彼此各相宜正約烟波訪子皮揮手惜君長遠道樓身歎我剩低枝一生原不因人熱此老  
奚曾見事遲爭柰橫流無可制鬢絲那禁雪雙垂

扁舟縹渺莫攀追空想閩江一壘麾獻壽遠難澆壘塊緘詩遙共慰睽離風塵差幸朋簪好閩井  
同傷世業虧縮地無方徒悵惘里門何日返檐帷

家逸豐和作

惠安



天涯何處覓安期淪落風塵匹馬馳難得襟懷清似水不堪世界亂如絲稱觥好晉長生酒祝嘏私緘反恨詩且莫槌床效搗鼓罵曹怒豎禰衡眉

棘地荆天靡所之紛紛蹙煞好男兒江湖一老渾無恙憂患餘生合頌私薄海羣爭鬪獨角故山同是雨風時年來我亦逾知命世道如斯且莫悲

隨緣到處總相宜湖海埋名類子皮世上榮華駒過隙人生去住鵲投枝廿年私歎知音少千里深憐識面遲傾蓋何時成願望水雲長共一竿垂

底事孤蹤去莫追殘黎猶自望征麾亦知一木難支柱爲惜全家各別離歌哭疊山原有恨歸來彭澤定無虧新註讀罷增惆悵吮筆攤箋寄董帷

謝觀有和作

痛飲猶懷十日期倉倉分袂去如馳經年遠別勞魂夢一夜相思長鬢絲彩筆新編湖海卷錦囊滿貯古今詩喜看壽世文章在不覺披吟共展眉

獨鶴長空信所之頂天立地一男兒風霜磨折知多苦日月居諸總不私老大同增今日感鄉關不是昔年時歸裝若問前途事早祝菩提發大悲

文字因緣到處宜羣推高韻繼南皮吟壇句好傳椒頌驛路魂銷折柳枝相見三山多恨晚同游  
五嶽尙稽遲何時雲水敦前約兩笠烟簑一釣垂

傷心往事不堪追無數牢愁仗酒磨歲月蹉跎將壽補干戈茶火迫羣離每疑夙孽三生結漫歎  
前功一簣虧最足慰懷老椿樹濃陰長護舊書帷

洪子謹前輩和作

馬角烏頭未有期劇憐漳海久奔馳天將離亂成傾蓋我愛文章擅色絲獻爵恨無千日酒開緘  
如讀四愁詩羣梟啄鳳知何意不禁因君共縳眉

辯諱無功等退之快心除是覓屠兒東林社獄同愁恨北海朋樽適燕私折柳雙溪思舊臘班荆  
古道在何時繫維深悔虛前度永夕無從我自悲

旨酒嘉賓式燕宜揮毫遙憶踞烏皮最難主客多清句私歎瓠瓜繫舊枝閩海躋堂徒夢想鷺門  
返棹漫淹遲十年序齒慚余長對鏡同應感左垂

飄然遠引任窮追自在江湖去一麾海上幾時歸屬人間何處訪要離三燒玉試終無變百鍊  
金貞本不虧獨喜椿庭垂蔭密桂枝蘭蕊護成帷



黃石銘和作

唾手燕雲未有期，船唇馬背任奔馳。燃箕竟煮同根豆，成錦空抽獨繭絲。旅邸消愁雙榼酒，異鄉感舊一囊詩。遙憐午夜相思處，楊柳簾櫳月似眉。

握手風前問所之，離樽小錢泛鵝兒。劍虛出匣終遺恨，屋正添籌合頌私。去國記逢餐菊候，稱觴恰好賞春時。自從解纜東山後，落月空梁黯欲悲。

杵臼論交兩兩宜，閩江屢共掉瓜皮。名場夢鹿迷蕉葉，歌板當風唱竹枝。十載光陰同孟浪，經年湖海感棲遲。惟餘一事真強意，萬丈靈椿蔭密垂。

海上孤鴻不可追，天涯誰共騁吟麾。江山一路增憑弔，風月多情黯別離。我歎亡羊終莫補，翁雖失馬總無虧。草堂何日歸工部，淨掃流塵翦薜帷。

張少安前輩和作

因緣文字契心期，雅什遙勞驛使馳。長吉錦囊都逸響，雍門琴曲是哀絲。憤時欲作無生識，介壽翻成紀恨詩。翹首三山千里隔，相逢何日一舒眉。

慷慨談兵杜牧之，翩翩丰采好男兒。文章憎命詞成讖，公德關心禍及私。膝下遠離仍愛日，客中

孤咏總傷時風波平地堪長恨天道如斯我亦悲

不開華燕頰來宜霧暗南山豹隱皮驥馬尙驚前度坂鳳凰常憶舊棲枝生原問世馳聲早願阻  
長風破浪遲佇看黃花香晚節新亭涕淚莫輕垂

塞翁得失理堪追往事何妨一笑塵海屋仙籌纔幾下豐城神劍不終離狎波鷗鳥渾無恙撼樹  
蚍蜉祇自虧措眼妖氛銷淨後重披萊綵壽親帷

逸園詩草

哀鴻篇下

題亡友張君纘庭遺稿 有序

張君芸菴余至友也素耽吟詠壯歲專治心性之學離塵獨立立真如其先世張志和一流人物年四十卒于家病中余與同人視之君以示寂日時告心源了了略無掛礙後如其言人咸異之殆詩人而神仙者乎余少君八歲君弱冠已執騷壇牛耳余齒尙穉也以十字詩爲君識由此引爲忘年交除客遊外過從無虛日君生平所著書惟瘦樵子一種鈹板行世其聽雨樓詩鈔及花韻集等作只序而存之囑待同人稿刪訂後一同出世奈哲人已遠風雅道廢後死者多勞勞塵鞅是事遂成深源東閣遺稿展轉同人閒邇來中原多湖南北干戈止而復動地方騷然益復未遑及此去秋閩南一部爲南方佔領詔當孔道戎馬蹂躪較他邑甚變生倉卒同人星散鄰架詩書沈淪塵劫君遺稿遂併無從問訊風塵道中以此事引爲後死咎者積半年矣客臘聞南河稍安謐余因由同安轉徙來垣適君仲子芹從公于是往訪得之遂轉而舍于其家解裝後以遺

詔安林有石竹簣著  
友人張 俞堯杏校

稿遭亂散失可恨故爲芹言芹起曰在也余驟不能信細詢方知芹思先付活板索寄來垣嗣以價昂囊澀正在積俸舉辦出其原本示余不勝狂喜展卷讀之如重見顏色噫嘻幸哉君有子矣君之子真可告無罪于君而余等素爲君責望者均無可見君于地下矣設當日君子因有徐等典守故不之置慮遽遭今變痛將如何今魯殿靈光歸然存在其君之靈有以使之耶抑驚世文章自有神物呵護非金戈劫火所能傷耶抑公素能前知其詩魂之在天地間感覺之靈與生前無異本能自超險阨故先時飛渡于千里外耶未可知也君性豪爽高談善詠花晨月夕證懷論古一往情深詩如其人余今幸君遺稿之存可稍釋然念前作及同人各稿半經君評定仍不能及早編訂連彙出世致茲散無復存知君在九泉之下當亦與余名抱無窮之痛也君子若爲余同學友茲能補余不逮將攜付梓感時事之滄桑復存亡之異致憂患餘生胡能已于言哉因賦長句并述生平及近今經過種種而綴於篇末云

千篇珠玉喜重指魯殿靈光不可埋君愛蒙莊能寄託我憐臣朔善恢諧美人香草多情思鐵板銅琶想壯懷苦惜匆匆歸去急不留吟社摸詩牌

舊評詩卷散塵埃後死文章恨劫灰佳句疑收三島去遺編不料十閩來傳鈔強拭昏花眼重讀

逾珍錦繡才世界滄桑成事實九泉知否故人哀

壽世文章本不磨無勞幽秘重巖阿豐城劍自千秋合弱水船從萬險過綺語了無妨色戒枯禪  
難復問頭陀風塵爲校新抄本感舊傷時淚併多

榕城旅次書懷

生平輕萬里本不厭孤征所痛親衰老甯堪子遠行夢榮南詔路髮白古閩城最斷人腸處宵深  
杜宇聲

隻身原有外餘事累人多沽酒連瓶至抄詩借硯磨衣殘縫更坼語異聽常訛安得心頭快秋風  
卷白波

與友坐話

傳指清明近驚心歲月馳樽無彭澤酒囊滿疊山詩世變多牛鬼墳荒羨馬醫哀鴻仍未定何處  
寄相思

不得鐵笛答書賦此寄之兼柬沈大

麻衣草屨太艱辛愁看雙谿一尺鱗安得長房來縮地相攜海上話風塵

幾度臨風遠寄箋愁腸知早到君前春風直北多鴻雁未得愁康報一篇  
一水通門路未遙不應消息落洪喬如何日日東南望又過江頭幾信潮  
茲來知歷幾由旬雲海何方寄此身体歎老婆太饒舌天涯同是避秦人  
無數心情待細論禾山是我舊巢痕一帆等得東風便早晚相尋過鷺門  
舊交悉數走燕都齊國難吹處士等勞與休文先報道前方恐變不靈符

三山客中春日雜詠

人間何地許埋憂思倩東風作蹇脩予室漂搖霜雪苦多時怕上仲宣樓  
出谷新鶯語正柔敲門有客約晨遊廿年鴻雪因緣舊到處無妨作小留  
淺草城西繡陌香踏青兒女門新妝詩龕我愛多名宿同上湖心苑在堂  
故家園子幾滄桑草樹池亭未盡荒小葺便成行樂地尋芳時上耿王莊  
石上銅駝跡未湮霸圖人尚說當年至今王墓山頭去只聽春風叫杜鵑  
訪古從人問劍池一泓春水碧連漪年深無處尋爐冶惟賸故牆數尺碑  
眞箇春寒花較遲試燈已過一旬期條筇踏遍屏山路未見桃林放一枝



鎮海樓高日未晡賞春有客此提壺侏僂不辦言誰指莫笑何來山澤臞

是日有外國人飲此

注到心頭往事繁聊尋語燕問巢痕那知人事蹉跎易崔護重來不見門

時物登盤意盡便山蔬何必讓肥鮮雨多春筍街頭賤大好長參玉版禪

月明正憶別家時江上秋風櫓一枝不道光陰彈指頃天涯便見柳如絲

乍風乍雨冷難支破絮粗氈且護持休道行裝太蕭瑟壓囊猶有百篇詩

### 二月二十八日晨起書歎

九十春光六十過了無三日見晴和寒欺孤客長年在雨爲愁人特地多  
遶砌漸看新草長滿庭  
其奈落花何屠沽賦重難謀醉排悶聊將凍筆呵

### 自前月二十八日和議停後至今一月未聞續議不禁慨然

破碎山河建造初何堪蹴踏又邱墟數人權利爭蝸虎萬里生靈泣釜魚救國時髦聲滿地傷時  
野老淚成渠驚心一月循環報未見和平續議書

### 春日睡起書事

午夢驚回日正長鳴雷閣閣轉飢腸齒衰入饜宜甘美眼倦觀書易失忘解渴每思傾白墜放傭

又愛續黃梁困人天氣春殊甚隱几多時費酌量

電燈

熠熠城臺爍萬枝天工人巧奪來奇六街午夜明如晝十里長干布若碁門侈或誇多燭力自來  
不費一燈兒芸編辛苦寒窗下映雪囊螢感昔時

無綫電

消息無方動卽知傳聞張翕託雄雌長空不礙關河阻大地何勞驛騎馳只好矜心藏我法不妨  
屬耳滿天涯神工鬼斧真奇幻綫幹勞勞彼一時

寄里門陳際唐前輩

高齋一別久風塵未得相思託寸鱗烽火長途消息梗鬚眉異地雪霜新自爲王粲登樓客倍憶  
維摩臥榻人料得星光相照處瑩瑩定不隔關津

小疾何妨度厄年劍南詩句至今傳藥爐暫好逃憂患桑海由來易變遷似我真成牛馬走有人  
聞已轆轤圓雞聲中夜增長歎老矣難爭祖逖鞭

維桑讀罷涕汎瀾紵臂徐徐大可歎澤竭料無魚可膾山焚曷用虎能冠傷時淚滴稀乾土立地



魂飛有急灘究竟塞翁何得失一箋聊用證心肝

春節日赴鄉友沈次琬之招重訪烏石山師範學校歸成句八首寄之

不到烏山十四秋風塵歲月去如流校規春假逢年例便我相攜續舊游  
瀾松巖石曉煙寒門徑重來半改觀料得山靈應訝客多時不見舊吟鞍  
層磴高如蜀道難沿崖樓閣盡回欄靈山廣廈雙清絕茅屋秋風免再歎  
深微理化富師資博物張華昔未窺求學亦隨年代異一經皓首笑當時  
望耕臺上小勾留野翠嵐光一覽收難得青山在城郭無勞選勝出林邱  
海天空闊四無邊傑閣峻嶒隔世緣猶記摩崖凌絕壁爪痕歷歷認當年  
舊時游伴感山邱松竹梅花樹尙稠人事滄桑如此遽傷心怕上歲寒樓

甚矣吾衰老病全名山事業待時賢聞雞祖述年方壯莫後劉琨去著鞭

子穎由星洲轉到荷屬某友來書賦此答之

迢遞重洋悵索居干戈滿地更愁予三山長賦天涯客萬里初看海外書摯語絨將顏色至狂吟  
答慰笑言疎寸箋好當相逢處一月期烹一鯉魚

清明前一日得里中某友詩來問訊詞苦情深并殷殷以塵中各方同人狀況及閩江近景  
清明思家爲念因賦絕首奉答

雲散風流事事休江湖長作狎鷗游不圖驀地來雙鯉寄我相思萬斛愁  
讀罷新詩喚奈何前途回首總蹉跎亦知甌墜無容顧仍恨粘泥帶絮多  
清明無客不思家古語增人幾歎嗟蒿目閩南荆棘滿邵平何處事耘瓜  
榕城景物異前游蝶亂蜂狂夜不收惚恍鶯花過滬上澆風爲起杞人憂  
天涯君我爪痕深者度重來總過尋一一箋詩寄將去開緘亦曾共登臨  
波靜瀾平會有期未應天道竟難知他鄉萍梗都無恙遙答風塵七字詩

客中清明感事

梨花黯淡草芊眠惆悵春城插柳天不識故鄉今日裏幾家門巷有新煙  
番風忽忽到棠梨時物添人客思淒况是塵揚滄海日天涯孤聽杜鵑啼  
麟石蝦山兩翠巒舊新馬鬣墓田寬痛心今歲松楸路漢寢唐陵共一歎  
賓館朋樽七箸香無花無酒却非傷不堪千里閩南道長作揮戈躍馬場

感懷

昂然七尺計殊疎未及蝸牛尚有蘆障海無方將經徙異鄉垂老作鳩居詩愁不覺詞多怒客久  
宵禁燿盡虛擬蒸瓣香叩闔闔蒼蒼賦我意何如

少小情懷頗自期怪來每筮輒明夷窮逾韓愈修書日愁比王章對泣時賣菜傭沽慚梓里疲驢  
破帽遍天涯如何頭白歸閒去又趁人間哭亂離

竟把中原作奕碁生靈何罪起予悲琴書骨肉同時散寶鼎宗彝一夕歆甯免新亭多涕淚不堪  
吳市太流離觸蠻世界知誰是懶向旁人別素緇

誰與爲歡且奈何愁深無處夢南柯俠游難覓屠兒共夜獵常防醉尉訶故國蟲沙憐幻化旅窗  
蟬蠹獨摩挲江籬江芷今奚似遙賦哀歌訊屈沱

遣僮傭

頻年累汝逐吟鞍尙慰歸途鬢未殘劍鋏相隨風月冷樊籠一去海天寬故情未免憐衣屨餘粟  
聊分作羽翰好與東華親故道主人本不念彈冠

代僮傭答別

長分濃蔭養蒼苔頓別難禁首重回十載蓋惟憐犬馬半生報答乏涓埃常容蕉葉身都膽忍作  
鴟鷹去不來伴犢推車猶有力西成還夢駕鶩駘

答客中諸子

客秋之變里中諸子皆驚鴻翩竄相率出境除力能渡重洋以外或寄食戎幕以避風雨近間  
屢有書相問訊念患難之不忘慮若華之多感賦此答慰并勉而進之  
投筆聯翩賦壯游書生戎馬也風流星霜莫道賢勞甚正是吾徒淬礪秋  
百鍊精金妙在柔礪礪易缺是吾憂前頭事業如山積斷雨零風且莫愁  
閱歷能增膽氣豪行閒倚馬想揮毫戈頭盾鼻縱橫好自古參軍起椽曹  
道途傾蓋幾知音交臂應無失素心大義半存屠狗輩市樓來往好招尋  
大海塵揚往恨多殘年無力事橫戈只憑半禿青蘆管苦勸當途早媾和  
刀光如雪酒如泉大截長魚列廣筵猶記相逢殘臘裏觥觴三日重留連  
竭澤焚林暴過秦故山猿鶴久風塵劉琨祖逖年均富珍重人間有用身  
一別秋風感歲華杜鵑紅又遍天涯江湖鰲叟都無恙正對殘春弔落花

遺懷

世緣歷遍冷如冰石火光中孰愛憎  
眼底青山生後塚手中黃卷死前朋  
病微慵蓄三年艾老去猶思五夜燈  
却笑癡頑仍本色一身依舊具觚稜

客有覽余哀鴻篇者謂一片秋聲未免傷氣招趁好春同去散悶賦此答之

墜來棘地與荆天安得人間歡喜緣  
解脫豈能違性種離騷自別有言詮  
鬼車滿世多頭腦仙枕何方好睡眠  
正欲爲君裁答去斑斑鴟血又盈篇

懷人

幽燕六載臥袁安去踏蠶叢路更難  
記得申江相遇處紅羊一夜話辛酸

李柏梧明府

樗散清才壓鄭虔琴棋書畫酒詩全  
生憎一世多魑魅罵座登牀任性天

張堯咨拔貢

十年南國策吟鞭下筆千言海外傳  
將母歸來纔幾日饑驅又上秣陵船

韓君玉孝廉

古書奇畫富專車三逕秋風遣歲華  
別有桃源藏鷺島紅塵爭得到君家

馬亦鏡茂才

論交總角愛天真四壁俱無不怨貧  
鑿齒廿年偶病脚徵君誰識備蒲輪

蔡青雲茂才

烏衣世胄本翩翩雋絕才華繼惠連  
不識風流杳何許屋梁落月眼空穿

謝惠生校長

信是吾家千里駒一時危難賴匡扶雙谿桃李連城茂如此後生我畏無

家紹庭校長

焚硯相將泛五湖市樓談笑讓陶朱自從遁跡東山去明月清樽幾度孤

黃石銘茂才

鼙鼓漁陽一夕中東勞西燕恨無窮新詩讀罷增長歎同是泥塗負版蟲

黃和卿茂才

入世君真強項令知交我尚憚批鱗悟來良相難容世遁作良醫去活人

李銳之校長

陳蔡相從歷歲年暫時小別亦情牽吾徒正是無魚日臣朔飢來且任天

沈遜菴所長

積歲京華話素心黃公壚畔最情深不堪軸轉樞翻後消息沈沈直到今

葉頌垣侍御

### 感舊

萬荔叢中結一菴美人香草寫湘潭暮年九畹多無土孤露千秋哭所南

李濟東孝廉

遺編重讀不勝悲如對懸崖撒手時蟲臂鼠肝成絕響教予何處證今疑

張纘庭孝廉

海外歸來筆大奇一行作吏轉工詩人間墨妙爭鱗爪可惜曇花現小時

馮迺堂明府

一生事業在傳經玉樹臨風秀滿庭我正榕城爲客去頓驚雪暗子雲亭

家子章兄明經

照人古道澗松姿品格文章兩兩推暮地忽先蒲柳萎淒涼伯道又無兒

家敬軒叔茂才

潦倒文場老布衣賣文連歲感時非傷心杯墜吾齋日願我言艱只說歸

沈穉川校長



清詞麗句寫天真出水芙蓉妙絕塵  
慘聽狂鋒生骨肉一時里巷總傷神

許鏡莊布衣

世變驚心朕兆萌詞人杜牧愛談兵  
可憐隙影駒光促一卷陰符註不成

家牒卿布衣

裘馬輕肥世業豐如何浪得一生窮  
水仙樓上重回首賸有千篇綺語工

家均生茂才

傷心訪舊半爲鬼况又乾坤劫火紅  
頭白天涯歸不得故鄉知化幾沙蟲

自詠

### 客中閒詠做長慶集體

一日三餐外渾無事及身除非嗟遠客  
真可算閒人訪友常終夕遊山起早晨  
比隣來往熟說我

### 性情真

避地宜幽僻無妨冷若僧日長詩作課  
夜寂酒爲朋書几貪長坐湖欄偶一憑  
已髡頭似杵免歎

### 髮鬚髻

### 客感

天未長爲客黃金歲月馳愁多難蓄酒  
間甚易成詩身世眞三黜康莊有九疑  
教兒莫識字識字

### 太多知

### 遣懷



大海茫無際扁舟一笑登人驚公竟渡我謝客無能國角多蠻觸溝尸滿蝨蠅鷄蟲汝何物得失亦奚憑

飢墜甯無顧林宗喚不摩皮頑如此老髮禿却非僧下榻今徐穉登牀古杜陵共知狂本色野鶴更何憎

囊載千秋史河山幾廢興何嘗無我在從未見天崩富貴眞牛馬英雄大犬鷹不過百年事潰渙等春冰

令我啼成笑晨宵酒數升任憑貓哭鼠亦忘鷄嘲鵬煑字堪中飽哦詩最上乘長留眞性種爲照世間鐙

有客來叩門

有客來叩門招我遊王屋云有列仙臞山中久辟穀茅舍三數間四圍多怪木朝起看雲罷時每手書讀三徑秋風生籬滿陶潛菊門庭無雜賓周公少逐逐結廬爲比隣眞足媚幽獨又有渠渠廈宮府雲間轟琢玉以爲階瓦是黃金覆主人絕麗姝山中最貴族姊妹均妙齡雛姬美而淑輕衣五銖出門皆騎鹿其所經過處一山草木馥往來列仙家聯吟詩刻竹不時開筵宴雲車輶

旨蓄饌精世未嘗酒清免客憊尋常餉僕婢亦係膾龍肉愛客如性命聞聲卽三祝羽士遊其門  
干將贈連犢野客遊其門金螯糝山藪閨秀遊其門錫之以綺縠騷人遊其門霞箋貽珊瑚與客  
賭飲時輸贏計以斛口技尤足奇一嘯轉樞軸有時小遊戲天地變寒燠能令合座驚如聽漸離  
筑又善談瀛洲樓臺詳迥複聽者神以怡思想成濠濮所以從遊人居久無跼踖流連不知歲非  
只一昏夙君臞似列仙君又耽蕖麴門韻與鬪詩餘子未碌碌沽酒囊無錢大樽徒慚慙何不從  
我遊免此嗟范叔我聞大軒舞急起整巾幅走告室人知幕地輿脫輻直前來責言何癡此老禿  
讀書窮萬古猶不辦麥菽王屋深山深蓬蓬非棫樸樵斧遠莫尋荆棘甚大陸有草多斷腸食之  
歸天竺有水通貪泉激湍成巖瀑不知或偶飲令人變鄙黷繪繳固未設叢林多怪鵬鳩羽飛滿  
山殺人免喙啄所最黜人心月黑鬼車哭一鳥生九頭哀哀天際飄競飛常折翼慘哉自形剝頭  
腦如此多我見大鰲鯨一頸苦無頭瀝血雨霖霖人畜遭點滴立地見殄戮所以盤古來無人往  
畊牧中推爲俊物乃千年蝙蝠麟鳳誇子姓兩可貌深穆山人皆曰賢實則一詆詭饒誕如瀑布  
足乃僞蹄躡蟠桃荔支熟每每覆公餗明堂被一登遺矢手可掬此獠殊貪穢甯爲汝悅服况時  
山風嘯沙塵眯人目於菟大過牛汝以何術伏巨蟒吞行人如馬食苜蓿又有象卵圓其物名曰

蝮誤愛而拾之命殞如墜殞露筋蚊如雷種亦山中毓宵行偶不戒一倏難匍匐春秋時互鄉恰  
是在山麓林荒屋欹傾穢積如溝瀆鄉人皆敗類朋謀相擯僂吟嚶疑讀書其實聚謗讒盜跖長  
厥鄉桀紂其走僕無論喜與嗔見人輒敲扑飛廉及惡來歸之如奔鶩聞姦少正卯延之長蒙塾  
慶父能禍魯亭長司刑鞫有婦皆鳩盤何常桃李郁妒婦津頭女聘之禮以六河東獅子聲我聞  
猶頻蹙淫穢雜呂贏不祀及秦繆非族心自異逐客何勞卜叩門客所誇無乃是此畜精饌如何  
物蜥蜴螽斯簇清酒知何物業瀝盛枯燭所會膾龍肉蚯蚓烹蟬螻宮府金玉誇其實敗奚籠種  
種驚心魂如何去卜築神仙况荒謬繁載滿簡牘方士誑黃金那真與汝睦設有妖麗姝非汝窮  
措福汝窮雖可嗟汝兒能挂憤負米其餘事汝免號枵腹寒至一重裘晨興數匙粥已足活殘年  
何必以身鬻况有白頭親甘汝蹈窮谷不信吾誓天汝其且三復我初逢客招狂如戲蹴踘其心  
向往之急似辭弦鏃繼聞吾婦言恍然大羞縮如聞木樨香心障頓無宿人生此性種何堪奪之  
速世事敝屣耳親存我天祿我心非梟獍胡能忘我育苦言真藥石謝之躬再鞠婉詞致來客君  
歸我休沐我法與卿法今已思之熟自有草堂靈母勞事推轂

次鍾綠畊前輩六十一雙壽韻

礪松巖石翠年年不共人間歲月遷世劫終非天府累長生免藉大丹延齊眉案好堪雙慶介壽詩新定幾篇蘭桂滿庭觥酌盛如君合算地行仙

霍谿握手憶年殘欲別猶隣行路難自古多情人每壽與時無競路終寬春風遙憶朋樽好舊雨私愁客醅酸海屋今添籌第一恰如湯餅舉家歡

又代次韻二首

頭銜承叔賀今年花甲終週秩又遷算似東方真莫量樽開北海更長延躋堂好爵春雙楹燦壁新詩錦百篇桑海屢翻塵不到桂蘭香裏兩神仙

會記西窗坐夜殘精神矍鑠似公難名山事業文章富瀛海神仙歲月寬松柏蔭交同矯健匏瓜繫久感寒酸壺觴欲進慚微薄且獻霞箋結古歡

三月二十四日得同安來書知潛兒臥病海上不禁慨然賦此寄之

東西勞燕費相思正寄殘春七字詩烹鯉無端忽惆悵有人臥病在天涯攤箋惘惘歎關河縮地無方且奈何老去劍南常憶子忍聞瘴海事消磨過存一路有親知湯粥當能不汝虧遠道關心思勿藥勉教黃耳報予知

干戈癘疫勢相依防範還須及細微此去韓弘休力疾好留寸草答春暉

暮春感懷

一春風雨旅懷孤長坐賓廬感隙駒小鳥不知人意苦朝朝向客喚提壺  
桐陰滿院柳千絲曉枕人慵起每遲最惱客魂無奈甚一聲深巷賣將離  
探花正記託詩筒廿四番風幕地空九十春光彈指頃天時人事各匆匆  
繞砌蒙茸細草肥殘紅滿地掩空扉不堪頭白天涯客只看春歸客不歸

得都門陳寄今明府病中來書詢問近事感賦六絕寄答

聞臥東華瘦不支天涯有客矍然悲未堪舟正過惶恐轉棹爭篙最急時  
好是扶持大有人免嗟憔悴在風塵尺書貽我精神健不礙如來自在身  
長房欲覓了無門裹飯私憐莫過存誰慰相思來縮地金臺同拂舊巢痕  
禪榻茶烟鬢未絲書空咄咄數年期從今胸塊哇都盡靈府寬應倍昔時  
舊交憐汝最情真力疾懇勸問故人慚媿老漁撈月久網疎無處獲纖鱗  
雨雲翻覆易傷神好寶人間有用身筮易何時逢勿藥南鴻吩咐語交親

病風連旬枕上口號四絕并寄子潛

病侵腰膂奈衰何異術空思覓按摩  
隱凡無聊扶杖苦一庭花月任間過  
六時長是築愁城枕暗觀書目欲盲  
尙好到門多熟客去來猶免費將迎  
桃源本是避秦人又作維摩示疾身  
敢說桐材焦尾好摧殘自分爨餘薪  
熟梅時節惱人天晴雨無端倏變遷  
遙囑海陬新病客隨身須備一重綿

寄懷同安張子庚前輩兼介七十一壽

兩度覆谿話却塵中原板蕩共傷神  
海邦一路尋遺老風雅難逢第二人  
香山蘊藉義山深冶鍊渾成繞指金  
海客爭抄新稿去洛陽紙貴到如今  
古稀載詠句如仙絲繡心藏歷一年  
昨夜中庭看天象壽星已近少微邊  
無意拋瓢動賞音深情爲我發高吟  
將何持上先生壽長祝人間有素心

得家書知亡室已屆大祥經於三月廿八日令小兒女輩草草將事歎逝傷時不禁又有一種無聊之感也

死去生來等坐眠到今翻羨汝如仙  
縱嗟身世猶虧欠已免滄桑看變遷  
侍疾兒歸千萬里卜阡



人讓灌鄆田只憐避地風塵客不得將雛化紙錢

傳來瑣屑費余思魂魄猶能却逆兒不信裙釵成厲鬼若操桴鼓定雄師老奴私歎生無奈小婢相驚死有知瘴海他離多血系一靈未散共扶持

送沈大之延平道幕兼呈建安道尹八首

半年湖海鎮相依遠道何堪更隔遠爭柰行囊太蕭瑟一春轉作鴈分飛  
相見乍驚三月別又傾婪尾賦將離累人口腹殊堪歎那禁星星長鬢絲  
聚散匆匆劇愴神送行人本欲行人舊巢同掃知何日惆悵閭門滿棘榛  
客中送客已堪悲况值江湖滿地時等是有家歸不得烏頭馬角夢迷離  
劫底猶存幾子遺漳南回首不堪思鷓鴣枝穩何妨小且救淮陰一日飢  
此去欣君等及門居停人是馬融尊橫經公暇逢疑難尙好追隨細討論  
議席吾邦舊軼羣閒雲野鶴久知聞君謨故國官尤好煩爲風塵一致勲  
猿鶴蟲沙總繫情汝行我亦事南征劍津雩水郵無滯免使相思白髮生

將別榕城賦贈張香浦同學



十載三山賦寓公官卑祿薄不言窮全家眷屬成蠻語一卷詩篇有父風座上累君長設榻天涯  
憐我本飛蓬曰歸未是還鄉客得句仍期寄海東

東裝後又遇種種牽挂口號絕句

病思奄奄與客賅滿天殘雨落黃梅可憐身似隨風絮飛過欄杆又轉回

讀沈谷懷前輩寄校友詩不禁同病之感口占

讀罷新詩劇愴神天涯鑿齒臥經旬不堪異地偏同病千里相望兩廢人

五月初三日由閩江買權南下舟中口占

榴花角黍門時新一棹閩江泛病身士女壓隄鉦鼓鬧掩篷有客獨傷神

令節頻年客路過高堂念子定如何風塵自有無窮感不是尋常弔汨羅

閩南道中作

干戈影裏往來頻輾轉烽烟一病身白馬讒工徒造孽紅羊劫大獨傷神昂藏七尺慚虛負冤債

三生或有因愁絕閩南千里道相逢總是避秦人

重宿黃家園漫題齋壁

涼雲滿地薜蘿深池館玲瓏暑不侵石古令人生野趣園幽有客淡歸心掃苔閒讀前賢句選竹  
聊鐫過客吟兩載萍蹤雙信宿瓜痕何日再追尋

繁蕪侵逕酌量刪自笑塵踪太等閒旬日勾留忘主客平生心性本闌珊晶瑩愛坐橋頭石巉險  
驚看屋角山想是蓬仙偶遊戲塑將邱壑擲人間

自題哀鴻篇

秋雨春風展一雙鷺江踏遍復閩江催詩一路唯營角得句經年在旅窗不律亦知鳴缶厭無聊  
姑把啞鐘撞歌謠自是勞人事留作歸途壓客艘

題黃君仲訓瞰青別墅

東南割據戀殘碁彈指滄桑動客思戰壘今成觴詠地摩崖新泐主賓詩海天空闊青無際亭榭  
玲瓏暑不知難得菟裘營世外紅塵遙隔鷺江湄


五月廿三日與鄉友陳沈諸君同趁鮑江小輪歸里途中有作

一片殘陽認石嶇軍民叢雜渡難呼家荒轉怵鄉將近途險惟欣伴未孤面目江東慚父老行蹤  
海上狎鷗鳧聲聲到耳增惆悵兩岸青山叫鷓鴣

啣泥集小敘

己未春夏之交，流寓古閩，正賦平子之愁，忽病相如之渴，屢招折臂，依然豎子爲災，私歎扶頭，漸等半人坐廢，去溝洫其未遠，弔客恐費青蠅，維邦家之可懷，有人正歌黃鳥，因趁艾人香裏，潛歸天際之舟，荔子紅時，來掃溪邊之宅，虎蹄狐跡，遍滿門庭，瓜苦榛蕪，蔓延廊牖，幸前疾其若失，嗟敝廬之僅存，迺圯者扶之，穢者滌之，牖荒穢之，樞敗繩之，雖歸來丁鶴，未低千年，而人民城郭，已不禁感慨同之。嗚呼噫嘻，滄桑易位，顧如斯耶？憶亡友沈穉川感懷詩，有燕子啣泥尋舊壘，杜鵑啼血戀殘枝之句，益不禁感從中來，信如前人所謂，旣感逝者，還自念也。於是乎將歸里後所得，別爲啣泥集，并述命名之意于篇首云。

恨禪自識



逸園詩草

紹安林有石竹賓著  
友人張 俞堯杏校

啣泥集 已未五月廿三以後作

歸里後作

大海扁舟一葉飛  
經年飄泊飽危機  
驚濤駭浪羣鷗共  
剩水殘山獨客歸  
世業凋零生計苦  
親朋離散過從稀  
舊巢誰與啣泥補  
回首茫茫萬事非  
狼氛依舊接鄰封  
郭人民恨萬重悽  
愴如歸華表鶴  
貪癡深痛鼎湖龍  
空遺漢族彌天禍  
莫保曹瞞蓋世雄  
爲問持兵劉項輩  
中原知化幾沙蟲

錢春補作

酴醾如雪柳如絲  
屈指迎來正幾時  
撥悶聊開婪尾宴  
關心重訂嶺頭期  
聯翩裙屐紅橋路  
潦倒杯盤綠水涯  
誰與東皇報消息  
有人爲賦斷腸詩

雙柑斗酒聽新鶯  
探討曾經出鳳城  
一路桃花紅未透  
滿階芳草碧初生  
番風驀地成殘夢  
流水沿途繫別情  
懊惱不知何處去  
攜將小榼綠陰傾

繁華轉眼散如煙再到東郊感隔年走馬誰尋天尺五啼鴉遙送路三千無聊有恨長亭外細雨斜風古渡邊欲把癡心問芳草歸途誰與辦行纏

落花繡陌亂啼鳩似矢韶光起暮愁來喜故人原不速去如逐客苦難留驪駒歌送羣芳黯蝴蝶魂銷萬綠稠惆悵樽前揮手隔明年風信早些不

去秋之變許生君彥出境稍遲見詩書無主代囊載去今秋旋里昇歸於余舊書良朋均有感焉詩以紀之

牙籤玉軸散如煙合浦珠還感隔年不是故人勤護惜秦灰何處問陳編

寄題家蒼巖歸隱圖

菱煙雨笠共扁舟獨占人間一段秋羨煞長年無物役生涯惟寄竹竿頭  
釣罷歸來入翠薇一肩擔影趁斜暉芻蕘自有山林樂免惹人間是與非  
遶邨十畝自鋤荒按候分秧復築場比較豳風圖更好可能貽挂我茅堂  
映雪囊螢志未頽耕餘閒把一編開十年我悔風塵走秋樹根頭未得陪

掩關

一棹歸來白髮新，掩關聊暫息征塵。  
杜陵面爲吟詩瘦，庾信家因去國貧。  
南北干戈成浩劫，荊楚盜賊塞通津。  
救亡竟變橫計廢，爛縱誰爲念鮮民。

寄龍溪蔡青雲

烽火連年歎索居，天涯飄泊渺愁予。  
榕城扶病歸來後，未報丹霞一紙書。  
干戈癘疫互乘除，猿鶴蟲沙恨有餘。  
不識維摩老居士，鬢絲禪榻近何如。

倉雲宵張少安前輩卽次其寄張鐵笛韻

本是扶輪大雅才，憂時聞道鬢雙摧。  
葭蒼露白雲山遠，何日相從話劫灰。  
孤賤生來例得窮，誰教作爾賦同功。  
難星一夜山中過，村北村南滿射工。  
少小文壇記主盟，每聞名字輒心傾。  
一生未拜龐公榻，偏得山中先寄聲。  
不堪世變亂如絲，在我衰殘未死時。  
暮地滄桑無限感，紀憂慚媿欠工詩。  
平子文章句句奇，懷人遙寄一囊詩。  
居然裹飯相存意，如此貧交信可兒。  
知音誰賞伯牙琴，流水高山是素心。  
涇渭原來清濁判，如何異己怨東林。  
一聲鼙鼓散鳴嚶，西燕東勞各異程。  
十日子房危大索，至今回首不勝情。



岸谷遷移豈偶然傷心無力可回天  
賸餘聲氣存吾輩一髮千鈞未散緣  
安得相將匿睡鄉爲莊爲蝶共翔  
徉免因彼黍苞稂淚損我雙眸一  
寸光  
茫茫塵劫浩無邊唐鼠艱難不屬  
仙避地何方營半畝去栽陶菊與  
周蓮  
元亭遙望五雲垂問字無從我自  
悲那得長房來縮地鷄鳴風雨慰  
相思  
同是人間一退翁久無閒氣問窮  
通不堪南國烽煙滿予室漂搖雨  
又風

感懷

十載長流血誰來弔國魂陸沉悲  
大地鼎沸歎中原竭澤魚蝦盡當  
關虎豹尊故宮禾黍恨悽惻  
不堪論

庚申

寄鐵笛

伯勞飛燕各匆匆我正西歸君轉  
東最惹相思無奈處一聲隣笛月  
明中  
搔首茫然欲問天濛濛零雨已三  
年不知何日能開霽續賦東山勞  
士篇  
嚴武由來未愛才登床況易惹人  
猜客中聞道無魚久身世如斯劇  
可哀

無端礮石復雷轟蠻觸紛塵左右兵直把蒼黎作芻狗不知何處託餘生

二月十四日作

南北和議停頓年餘師行糧食民已不堪其苦報又載滇桂閩粵種種變故匪徒四起兵戈所及焚劫隨之慘目傷心令人不寒而慄詔當閩粵衝倘當途者終不悔禍維桑與梓堪設想乎莽莽乾坤戰血紅正愁南北復西東蟲沙劫大羣生感魚釜機危盡處同安得桃源攜眷屬免看赤縣送兵戎驚飛本是傷弓鳥又墜風聲鶴唳中

過故友張芸菴墓

山頽木壞隔人天此恨俄經廿一年白首青山尋宿草料應泉下亦悽然  
昨宵正得嗣君書知道囊貲略有餘已把遺編付梨棗開緘不禁大軒渠  
百歲光陰半擲空吾衰無復夢周公吟魂此際歸來否腸斷山陽一笛風

漫題廳壁

虛堂清闕隔紅塵合供維摩病裏身花草一庭成暴富圖書四壁未全貧絕交叔夜無殘客嗜飲  
陶潛本隱淪湖海歸來閒較甚閉門長坐過三春

三月十日攜珍兒上亡室墓

世亂家荒萬事難，生人不及死人安。  
無多酒脯來酬汝，只值將雛給汝看。  
草草粗成土一杯，并無碑碣表松楸。  
孤魂午夜歸來候，月黑山昏識路不。

寄沈大代柬

飛絮飛花又過春，久無書札問延津。  
不關張說吟方苦，未免稽康嬾是真。  
幕府風清爲客好，屋梁月落繫懷頻。  
歸來正擬收心坐，一縷爐烟靜息神。

風雨漂搖幾舊交，茫茫天意筆難投。  
驚心桑梓如飛幕，慘目東西有覆巢。  
壁劍塵封光久黯，篋書蠹蝕頁雙膠。  
新愁舊恨焚無數，直把衷腸畫亂爻。

題齋中菖蒲草

蒙茸細碧占先春，點綴文窗絕可人。  
服食成仙吾不耐，只留生意供吟身。  
白石清泉一世緣，曲人谷裏筆牀邊。  
若將花草論攸匹，佳耦惟應是水仙。

聞亂寄呈同安張子庚洪子謹鍾綠耕陳師竹諸前輩

紛紛割據幾時休，地到閩南本盡頭。  
信有英雄似劉項，肯來甌脫競鴻溝。

相持鵲蚌究何因，蹂躪徒然苦我民。等是驚心危幕燕，一宵無夢不風塵。  
會作珂鄉數月留，轉因避地識荊州。一樽風雨雙溪話，減我天涯逐客愁。  
自別成連海上琴，江湖漂泊歲華深。扁舟雪夜知何日，且寄相思一寸心。

和朱古漁立秋後卽事韻

萬井烽煙裏，何方覓酒盃。連天彈響亂，動地鼓鼙來。城郭無堅壘，詩書有劫灰。難拋一籬菊，正是手親栽。

道梗親朋隔，形惟藉影陪。秋風生白髮，陰雨類黃梅。瘦骨宵頻搗，愁腸日九回。何當尋辟穀，同嘯碧雲隈。

意有未盡再成七律二首兼寄某友

冉冉流光付逝波，美人天末意如何。三年輾轉魚游釜，一夕傳宣虎渡河。小風閣生梧葉墜，空階露冷草蟲多。循環縱是關天事，未免驚心鬢各皤。

驀聽秋風往，恨牽巢傾卵。覆感當年羣魔下，世多殘劫。堅子登場總孽緣，黑幕技窮俵鬼散。烏江氣短霸王顛，不知吳市吹簫客。可有心馳入郢鞭。

中秋夜小集家祠觀瓊花作

瓊花歷史類出諸子寓言或詞人寄託游仙借以點綴神仙風景者雖一統志載江都縣治東蕃釐觀中有瓊花俗名爲瓊花觀又朱顯祖亦有瓊花志一篇然此外寥寥罕覩則人間有無是物亦難徵信矣往歲潛兒游學鷺門歸攜片葉植家祠中云此瓊花也并述開落狀況及其色相只姑妄聽之去後雖稍稍茁然并無枝幹僅由葉生葉接累而上似不成花久之近土尺許略變幹狀仍未見如何敷榮益不加意時遭損折者有之戊午之變杜陵茅屋忽破秋風盡室漂零人物同歎顧不料是花之歸然存也今秋其葉邊縫有斜條紋處微露顆粒如黍嗣作圓橢狀下垂跗粟色似刺而輒長短三十六條護之將開之前一日藥作帶鈎狀上仰長六七寸發展甚速中秋夜月上忽破萼月中透露月墜便萎開時花如碗大隨月轉移殊香滿院色奇白瓣作舌狀數與跗等中大外小鬚繁密如冰絲上微綴金粟旁兩鬚尤長均如花勢作鈎狀花心復有一條類膽瓶形另抽一莢出衆鬚上散爲十餘絲拳曲橫繞四週其構造之奇香色之美遍攷羣芳殊未之見但欲確判爲瓊花與否實如夏殷之禮杞宋莫徵祇得認爲珍異植物始以瓊花稱之至與古蕃釐觀所植朱顯祖所志同不同且闕疑也因念是花之來吾家及其中間經歷種受磨折得

有今夕當非偶然豈循環之理塞極必通花迺以此隱示破啼爲笑乎爲作此紀之  
一朵仙花雪比清奇香滿院月剛明最難歷劫同無恙如此良宵倍有情絕色合呼秦弄玉前身  
疑是許飛瓊名花勝友兼佳節譙鼓渾忘第幾更

蕃釐觀裏話前因回首江都迹已塵天竺曇華時偶現唐昌玉蕾夜橫陳神仙應記三生夢兵火  
曾經幾度春擬倩上清通牒去年年花好世無秦

秋日間居書事

退翁心力笑無多草草安排結一窩窗愛種蕉籬插竹間中事業也賢勞  
小安書史屋東偏落葉紛紛滿榻前屈指重陽佳節近一庭秋色菊花天  
屏風六扇紙新塗小几烏皮屈曲鋪一卷陰符三尺劍秋齋誰貌讀書圖  
世故年來盡數刪了無一事到柴關只餘花蟲兼書蠹拊擋連朝未得閒

和朱古漁秋日東溪晚眺元韵兼弔筇莊

四山靄靄暮煙迷通廣橋邊落日低如畫一溪帆遠近尋詩雙屐屐東西村田沙壓多成壘泥坂  
隄完漸可犁最是水鄉秋色好白蘋紅蓼滿汀齊



雨足秋原水拍隄謝家池館傍青溪捲簾便好看山坐得句會從掃壁題舊說古人能詠絮今憐燕子莫啣泥西風淒絕蘭亭路仙鶴魂歸失故栖

補和謝又新親家中秋看月感懷首

誰家牛渚泛清秋遣悶聊將大白浮異地兒郎同惜別中原烽火尙牽愁人間月信今宵好宦海帆欣早日收安得團圓共鄉國年年攜手看瓊樓

月下聞歌偶觸都門舊游感成長句仍用前韻

清商如聽感庭秋月冷空階露氣浮北里笙歌牽往恨南林文酒動閒愁桐焦我自琴材惜樗散人誰藥籠收贏得天涯鴻爪在何年重醉正陽樓

秋日齋居遣興

懶作王前海大魚黃花香裏閉門居蹉跎未免虞卿笑半世窮愁不著書  
吾家堅壘在書城鐵馬秋風徹夜鳴漫說貧儒徒御少指揮左右富心兵  
亂後秋原衆力疲米珠薪桂困人時抄方且博妻孥笑辟穀丹多不怕飢  
風高梧館曉寒增擁被孤吟似定僧兒女傳餐傭作答任他嘲諛是聾丞



煨芋權充九日糕爐頭大嚼共孫曹時衰只學低摧好不祝前途百事高  
噴水機張引井泉秋來苔蘚亦成錢笑呼客屐休輕損留買前山一壑煙  
空齋日暮草蟲鳴隱几閒聽却有情也當詩腸新鼓吹誰云爾是不平聲  
年深草閣半欹斜一榻猶堪學結跏落葉滿階黃不掃要留秋色在吾家

雜感

薊北淮南萬里行船唇馬背廿年情歸來故國烽煙滿橐筆綸竿兩不成  
草昧風雲膽太粗叢祠種火夜相呼茫茫斯世吾誰與手握離騷問左徒  
覆雨翻雲手術精江河日下歎人情誰將社鼠城狐輩別換心肝去再生  
末世儒憂不好名甘心苟賤使人驚溺冠劉季猶餘事深恐嬴秦起再阮  
衣冠腐鼠與孤雛仗義常多出市屠滿腹狐疑無用處孟賁何必勝庸夫  
虞淵逐日壯心違回首深悲萬事非淚盡有時還自笑首陽猶有故山薇  
苦樂悲歡賦自天肯嗟身世誤丹鉛千金方買長門賦誰道文章不值錢  
誰與中原遏亂萌賣刀買犢共歸耕草堂連歲多秋感何日安心對短檠

重到海月禪院題壁

古木禪關水一涯重來人已鬢如絲  
驚心俯仰成今昔惟有青山似舊時

十月初六日由梅洲至柚柑嶺道中卽事

鶴巢回望午煙濃對面蠶叢尙幾重  
野燒連山遮客路陣雲盤嶺肅軍容  
壺漿父老穿林出竹馬  
兒童設施從誰識行人遺恨處申胥猶自淚龍鍾

過莆美訪張少安先生

一別不知歲相看問姓名滄桑生面目  
踪跡話居行我正推車下公如倒屣迎  
神交多觸覺誰識

箇中情

驚江長至日同鄉友會飲沈君寓廬  
正得鄉書喜成長句

三載都無笑口開今朝快報一陽來  
拍肩欲折東山屐促膝欣擎北海杯  
擊楫多時同慷慨束裝  
計日好歸來白波卷盡鯨鯢徙合共垂綸碧水隈

辛酉生日招同從亡諸君小集賦此述感兼呈鐵笛

匆匆歲月箭辭弦虛走人間又一年  
矍鑠料難增此後形神知不及從前  
好詩猶記將離句薄酒

同消未散綠虎口餘生齊健在悟來萬事總關天

事業文章兩謬悠空拋五十四春秋權從市僧慚爲首長歎儒冠誤到頭雪嶺橫戈無氣力煙窗  
舐筆且優游得臣未死憂方大前席誰容借箸籌


魂也歸來聽告存三年離散感奔豚九頭瀝血蒼原黯一指加眸白晝昏瘴海風波猶細事故山  
猿鶴太煩冤三招與汝爲生祭應勝他時展墓門

笑熱爐香問世尊生胡同日不同門多情愛逐仁魚隊何罪偏隳惡犬村了了心源仍本質如如  
學說欠靈根從今決向傳燈去好與人間照覆盆

東谿草堂落成重九日招同人小集賦此代柬

數間聊爾剪茅茨也類鷓鴣結小枝未免旁觀間笑殺逢人便乞草堂費  
西抹東塗費屏營一罇九日喜觀成雙榕門外溪流好且訂鷗羣理舊盟

英園言




呻吟集弁言

古人往往以無病而呻爲詩人誚，今余則欲求古人之誚而不可得，噫嘻，甚矣憊矣，憶自癸亥四月得疾以後，扶頭伏枕，諸不能人，然花晨月夕，遇病勢稍減時，或尙能勉強蹣跚，略作消遣，今則少文臥游，日得八九，長吉之心血已盡，杜陵之憂患相煎，欲生不能，求死未得，而環境又復迫之，胡天不弔至此極耶，因將無柰篇章另錄一冊，作爲呻吟集云。

乙丑三春恨禪自誌

六 四 三 二 一



逸園詩草

詔安林有石竹賓著  
友人張俞堯杏校

呻吟集 甲子七月廿五以後作

病中書感

離亂交親少過存藥爐茶榻度朝昏  
病嫌聞事長扁戶老漸無朋祇弄孫  
物價高昂生活苦捐輸  
重疊市城冤投膠誰止黃河濁挽轉洪流不使渾

衰年私歎百無能牛馬由人喚輒磨  
天意欲開秦世界吾曹柰是漢孫曾  
會搥門膽落兵耶匪領土  
神傷犬與鷹自分此生今已矣國魂欲弔更何憑

去年四月亂軍屯是我維摩種病根  
簷幕幾時完燕壘衡茅一夕變營門  
於陵不覺眉頰蹙長吉  
無端血沸騰從此沈綿成痼疾參苓日共飯籠蒸

死去生來一例看懸崖撒手本非難  
只憐墜劫羣情慘未免聞聲我膽寒  
賣劍買牛何日事醫瘡  
剜肉萬家歎不圖赫赫皆黃裔彼此甘心竟自殘

乙丑春節日作



光陰如水去無聲往事思量百感并詩酒流連成昨夢海田更變愴餘生積憂浪得終年病孤憤  
難求一日平祖遜聞雞今已矣先鞭讓與後賢爭

生日日得穎兒星洲來郵致祝漫成長句

百年歲月火傳薪再再俄將六十春寓世已成當去客無官尙算自由人只憐久病如柴骨長作  
羣醫試藥身萬里兒曹勤送酒且留閑日醉親賓

三月三日輿疾冒雨上先墳晚歸排悶

未及杖鄉年竟作扶筇叟出門未百步喘息不絕口急憩大道旁難再望前走去年昨日間猶能  
執壺酒竹兜穿松楸瞻拜我父母蝦山祖塋多挈榼陟岡阜剪棘復鋤荆辰出歸已酉雖非手親  
操指揮能左右茲事正如昨門巷又插柳先祀合重修念之呆立久心進足不前精神失抖擻兒  
曹各遠征斯擔焉釋負勉強衝泥行輿夫傷滑溜吁嗟汝二豎胡余牢把守豈余屋漏中于汝有  
負咎不然患難身汝豈樂與耦西方多大僕眉目使人憫臟腑城郭寬膏盲若培塿有此好舍宇  
何爲戀老醜阻我千秋業三年未進取並此上山節致奠艱親手汝計殊太疎汝謬宜自糾尙其  
聽余言去去莫回首顏羹貽一瓢孔飯饋雙缶車船比韓子送窮例並厚領去趁清明墳頭會親


友若竟事觀望決享汝傲帝整益周興壤兩者吾皆有毒刑古無匹汝思怖懼否須防最終期把  
茲爲汝壽吾性汝素諳應念言無苟



附言

先君篤行好學，弱冠有文名，見知於鄉前輩，壯歲後，致力社會事業，邑人尤嘖嘖稱之，先大父既老，先君更以一身負家務鄉事之繁，日不暇給，然處之泰然，吟詠不少廢，學淵雖於趨庭之日，承學詩學禮之訓，有志未逮，殊愧怍也。先君遺稿，有校訂環中一貫圖說，及逸園詩草二書，承命謹存，鄉前輩以所存者皆可傳之作，命學淵付梓，謹於民國十六年十月先將逸園詩草刊行於滬上，既以全諸前輩見好之雅，亦所以表先君情性於萬一。學淵奔走戎馬間，不能承父業，而所以服役社會者，精神毅力亦遠不逮，實爲先君之玷，亦不免有負諸前輩相期之殷耳。先君遺稿爲海內同好者索取，所餘無幾，抗戰八年，流離轉徙，差幸保存，爰於三十七年秋七月重刊於榕城，讀：「老去劍南常憶子，忍聞瘴海事銷磨。」及「此去韓弘休力疾，好留寸草答春暉。」諸什，欲報親恩，昊天罔極，不禁淚潸潸下矣。

戊子秋七月次男學淵謹識



京

鴻

卷

下



柳  
沈  
集  
全





呻吟集全



國立中央圖書館



002822603

